

佛說廣博嚴淨不退轉輪經卷第一 木

宋涼州沙門智嚴譯

如是我聞一時佛在舍衛國祇陀林中給孤獨園精舍與大比丘眾千二百五十人俱。爾時世尊於夜後分入無垢光三昧。文殊師利法王子於夜後分入遍照三昧。弥勒菩薩摩訶薩於夜後分入遍照三昧。爾時尊者舍利弗於夜後分明相出時。佛神力故從自房出詣文殊師利房。爾時尊者舍利弗欲入文殊師利房時。遙見佛精舍邊有十千蓮花迴旋圍繞。聞大音樂歌頌之聲。彼諸蓮花出大光明。遍照祇洹及舍衛國。乃至三千大千世界。

能去

爾時尊者舍利弗即於文殊師利前結加趺坐。一心瞻仰。目不暫瞬。時文殊師利與舍利弗東行過一恒河沙世界。到一佛土。其世界名說不退轉音聲佛。号華光開敷。遍身如來。即見彼佛身。諸毛孔皆出蓮花。其花遍滿。一由旬。皆出光明。遍照三千大千世界。其華開敷。有百千葉。金剛為根。光網為莖。阿耨茶馬。瑞為鬚。閻浮那。投寶為臺。其花臺上有菩薩坐。已於阿耨多羅三藐三菩提。不退轉得陀羅尼。具五神通。速得諸忍。以三十二相。而自嚴身。身真金色。

爾時華光開敷。遍身如來。臍中出一蓮花。光色嚴淨。有百千葉。金剛為根。青琉璃為莖。因陀羅網寶為鬚。優勒迦娑羅栴檀寶王為臺。其花明淨。塵垢不汙。空無坐者。爾時文殊師利往蓮花臺上。結加趺坐。即與花俱。上昇虛空。乃至有頂。還至佛所。右遶三匝。頭頂禮敬。還坐花上一心合掌。瞻仰世尊。爾時花光開敷。遍身如來。知而故問文殊師利。從何所來。文殊師利白。花光開敷。遍身如來。言我從娑婆世界來。爾時彼佛有二侍菩薩。摩訶薩一名美音。二名妙音。已於阿耨多羅三藐三菩提。不退轉。從蓮華臺下。勤衣服。右膝著地。一心合掌。白佛言。娑婆世界去此近遠。爾時花光開敷。遍身如來。告二菩薩。摩訶薩言。善男子。娑婆世界。今在西方。過恒河沙佛土。文殊師利。從彼土來。時二菩薩復白佛言。娑婆世界。現在說法。佛名何等。佛言。彼佛名釋迦牟尼。今現在說法。復白佛言。彼佛世尊。為說何法。佛言。釋迦牟尼佛說三乘法。復白佛言。云何名三乘法。佛言。三乘者。所謂聲聞乘。辟支佛乘。佛乘。時二菩薩白佛言。諸佛說法。皆不等耶。佛言。諸佛說法。皆悉平等。時二菩薩白佛言。云何平等。佛言。一切諸佛。皆說廣博嚴淨不退轉輪法。是故平等。時二菩薩白佛言。何故釋迦文佛說三乘法。佛言。娑婆世界。眾生根心。樂小法。不堪大乘。諸佛如來。以方便力。說三乘法。釋

迦文佛出五濁世彼諸眾生不能堪

受大乘之法以方便故分別說三時

二菩薩白佛言釋迦文佛於娑婆世

界說法甚難佛言如是如是彼佛說

法實為甚難時二菩薩白佛言我等

今已獲大善利不生彼國佛言善男

子莫作是言應速悔過時二菩薩白

佛言世尊我聞彼國說法甚難乃無

一念樂生彼國何故悔過佛言速捨

此語應當悔過所以者何若於此土

二十億百千劫由他劫種種善根不

如彼佛世界以一食頃說諸波羅密

教一眾生受三自歸奉持五戒遠離

聲聞心如是菩薩所行甚難何況以

出家正法發菩提心而作饒益如是

菩薩倍為甚難功德無量所以者何

娑婆世界多穢惡故時二菩薩白佛

言娑婆世界有何穢惡佛告美音妙

音娑婆世界穢惡之事以我神口盡

汝壽量說不可盡所以者何彼土眾

生煩惱厚重多行貪欲瞋恚愚癡無

量無邊諸不善法我以佛智乃能

具知

時二菩薩即三讚歎善哉善哉釋迦

牟尼善哉善哉釋迦師子善哉善哉

釋迦仙王作是歎已一心合掌懺悔

先來諸不善心若離貪欲瞋恚愚癡

無量無邊諸不善法若曾發心求聲

聞辟支佛今志懺悔亦欲明淨求佛

智心願解脫心為得佛智故為一切

眾生故以無著善根相應心持七寶

花其花皆出百千光色有百千葉金

剛為根目陀羅寶網為鬚優勒迦娑

羅栴檀寶王為臺以一切諸寶玉為

蓋其花明淨塵垢不汙可以眼識識

不可以手觸猶如幻化果報從三昧

正觀生於虛空中遍散釋迦文佛上

所散之花於虛空中變成花鬘華雲

華蓋寶房寶雲寶蓋繒鬘繒雲繒蓋

供養釋迦牟尼佛復以百千種色花

鬘末香塗香細末栴檀遍散釋迦牟

尼佛上而以供養即於彼處五體投

地頂禮釋迦牟尼佛足作如是言南

無釋迦牟尼佛及娑婆世界諸菩薩

摩訶薩發大莊嚴成就大精進力諸

先舊者能持正法有大威力能利益

一切眾生而作照明正求一乘能守

護三世佛法城堦不斷佛種住娑婆

世界者作如是言我今應往彼土見

釋迦牟尼佛并諸菩薩摩訶薩及餘

眾生

爾時花光開敷遍身如末聞二菩薩

作如是言又善量觀察深心所行復

以佛法誠勅安慰告言善男子汝今

欲往娑婆世界見釋迦牟尼佛并諸

菩薩及餘眾生者當生尊重心憐愍

心饒益心所以者何彼諸菩薩於甚

深法不生怖畏亦不誹謗能奉三世

諸佛教戒以無著心種種善根不為

果報勤行諸波羅密此諸菩薩摩訶

薩等以本願故生彼佛土為守護諸

佛法城堦故亦欲過學一切佛法故

汝等今欲往彼見耶時二菩薩白佛

言世尊若承佛神力及三世諸佛威

勢護助願欲往見今時華光開敷遍

身如來告美音妙音菩薩摩訶薩今

欲往者當與文殊師利法王子俱往

善男子當共汝往今時美音妙音菩

薩摩訶薩語文殊師利法王子言我

持佛說法華經卷第十

種色照明正法令諸眾生歡喜故
爾時文殊師利遊諸佛土皆與二菩薩俱
所經佛土皆悉禮拜供養諸佛
尊重讚歎為眾生故為得佛智故為
攝眾生受教化故現不可思議神變
之事隨其所樂而為說法時文殊師
利法王子知釋迦牟尼佛已昇法座
與諸菩薩摩訶薩從地踊出住於佛
前與無量阿僧祇百千萬億那由他
菩薩摩訶薩遠釋迦牟尼佛滿百千
匝持百千萬種種色花其花有不可
思議百千萬葉皆生歡喜踊躍欣樂
以散佛上所散諸花遍滿三千大千
世界復以優迦娑羅細末栴檀而散
佛上復以種種花香其香亦有百千
種色常出戒香忍香精進香禪香慧
香智方便香神通香六波羅蜜香無
所著香具諸道品方便之香其栴檀香
能生歡喜踊躍欣樂其香光明皆是
十方諸佛神力之所守護為供養釋
迦牟尼佛故發大精進勇猛精進超
勝精進堅固精進無等等精進供養
釋迦牟尼佛爾時文殊師利與諸善

薩摩訶薩便莊嚴此土化作八楞摩
尼寶樹八觚分明亦有種種寶樹莊
嚴寶蓋幢幡以摩尼寶網及諸鈴網
而嚴飾之變此大地成摩尼寶於其
地上造諸堂閣窓牖都欄妙寶牆壁
大小諸河泉源花池優鉢羅花波頭
摩花芬陀利花摩尼寶花充滿其中
以甘露水其水八味流注池中有種
種鳥遊集其上作是變現為令眾生
心歡喜故為得佛智故發大堪忍故
發菩薩心故現如是等無量神變是
諸佛力亦是文殊師利法王子力亦
是釋迦牟尼佛本願之力爾時文殊
師利及諸菩薩摩訶薩作是神變已
住於佛前
爾時世尊放從法生光遍照文殊師
利及諸菩薩摩訶薩身為令坐故佛
便微笑身出蓮花其花有百千種色
出無量百千不可思議光金剛為根
口陀羅寶為鬚優勒迦娑羅栴檀寶
王為臺在虛空中諸菩薩摩訶薩於
其華上結加趺坐釋迦牟尼佛於自
臍中放一光明其光名日照諸眾生

持佛說法華經卷第十

取勝金剛王即此光中有億那由他
蓮花其花亦出若干種色其色寂靜
無量無邊過於日光清淨香潔遍照
十方其蓮花中自然變成微妙花帳
而是花帳諸佛所護從法性生安隱
寂靜順解脫門空無相無作不生不
滅相應踰過三世平等眼所見文殊
師利安坐花帳身相顯現一念合掌
正念觀佛所謂佛能通達一切諸法
能生金剛三昧於一切法無所得三昧
爾時世尊知文殊師利及十方諸佛
所使菩薩摩訶薩樂求法者專向一
乘已於先佛種種善根為文殊師利
之所守護無怯弱心勤修精進求佛
菩提如是等眾安隱坐已
爾時世尊告阿難汝往遍告於毘林
中諸比丘比丘尼優婆塞優婆夷使
集聽法時尊者阿難詣諸比丘房而
告之言諸大德世尊今勅汝等來集
聽法諸比丘言大德阿難我等先見
此瑞不能得往阿難言以何事故而
不能往諸比丘言我等見於毘林中
大水盈滿其水澄清無諸擾濁大光

遍照房舍園林志不復現以是事故
不能得往時尊者阿難還至佛所白
佛言彼諸比丘不能得來所以者何
彼作是言我等見是祇陀林中大水
盈滿其水澄清無諸擾濁大光遍照
房舍園林志不復現以是事故不能
得來佛告阿難彼諸比丘於非水中
而作水想不但於非水中而作水想
亦於非色中而作色想非受想行識
中作受想行識想非堅信作堅信想
非堅法作堅法想非八人作八人想
非須陀洹果作須陀洹果想非斯陀
含果作斯陀含果想非阿那含果作
阿那含果想非阿羅漢果作阿羅漢
果想非聲聞乘作聲聞乘想非辟支
佛乘作辟支佛乘想阿難汝往重告
諸比丘比丘尼優婆塞優婆夷來集
聽法此法皆是汝等昔所未聞時尊
者阿難復往諸比丘所而告之言諸
大德世尊告勅汝等來集聽法如是
音聲遍舍衛國諸比丘比丘尼優婆
塞優婆夷普聞此聲時尊者阿難知
四部眾聞此語已還至佛所而白佛

言我以遍告四眾來集聽法

余時世尊告大目犍連汝速往詣三
千大千世界遍告諸菩薩摩訶薩發
大莊嚴者及諸比丘比丘尼優婆塞
優婆夷天龍夜叉捷閻婆阿修羅迦
樓羅緊那羅摩睺羅伽人與非人敬
信佛法僧久種善根者集祇陀林聽
受正法此法汝等昔所未聞天人阿
修羅及餘世間所不能轉唯於先佛
所久種善根樂求大乘取勝乘第一
乘無上乘無等等乘菩薩摩訶薩發
大莊嚴勤行此法者能受能轉時尊
者大目犍連受佛教已即於佛前忽
然不現猶如力士屈申臂須臾過至三
千大千世界菩薩摩訶薩比丘比丘
尼優婆塞優婆夷天龍夜叉捷閻婆
阿修羅迦樓羅緊那羅摩睺羅伽人
與非人敬佛法僧久種善根者而告
之言世尊告勅汝等來集聽法余時
大目犍連承佛威力及已神足還至
佛所白佛言諸聽法眾皆悉已集余
時四眾普來集會縱廣一千由旬在
上諸天及餘眾生住虛空中者縱廣

五千由旬

余時文殊師利法王子白佛言世尊
今此四眾諸來集者一心合掌頂禮
如來供養恭敬世尊威德未敢就坐
唯願世尊垂哀聽坐余時世尊默怡
微笑是時有無量閻浮那提鉢已蓮
花從地踊出各百千葉尸利迦寶為
根因陀羅尼寶為鬚赤真珠為臺七
寶為蓋大如車輪諸來會者在於佛
前皆坐其上與文殊師利詣末菩薩
摩訶薩三十二相而自在嚴身真金
色入於三昧身出光明余時文殊師
利及諸菩薩摩訶薩詣末四眾蓮花
臺上曲躬恭敬一心合掌瞻仰世尊
時文殊師利白佛言世尊今此四眾
虛空諸天皆已坐定唯願如來等正
覺說廣博嚴淨不退轉輪法今此會
眾比丘比丘尼優婆塞優婆夷百千
諸天皆生須陀洹果想斯陀含果想
阿那含果不想阿羅漢果想聲聞乘想
辟支佛乘想唯願世尊為除此眾如
是諸想以何因緣世尊說須陀洹果
斯陀含果阿那含果阿羅漢果聲聞

寶印嚴淨經卷第一 第六

若性聲用之 第六

若海嚴淨經卷第一 第六

乘辟支佛乘世尊默然時尊者舍利
 弗白佛言世尊我夜後分明相出時
 從自房出詣文殊師利房欲入房時
 遙見佛精舍邊有十千蓮花迴旋圓
 遠聞大音樂歌頌之聲彼詩蓮花出
 大光明照祇陀林及舍衛國乃至三
 千大千世界如是之相是何先瑞佛
 告舍利弗此是文殊師利所請法瑞
 尔時阿難白佛言世尊我夜後分房
 門孔中有光來入即從林起出自房
 時見有光明照祇陀林猶如日出見
 祇陀林大水盈滿其水澄清無諸擾
 濁房舍園林悉皆不現如是之相是
 何先瑞尔時世尊告阿難言此是文
 殊師利所請廣博嚴淨不退轉輪法
 瑞尔時世尊即為阿難而說偈言
 佛乘無有上 清淨無濁穢 文殊無畏者
 今問如此事 是乘無分別 無漏無戲論
 文殊無畏者 今問如此事 此乘無所有
 畢竟無所生 是處不可著 文殊今已問
 是中終不說 出生於諸果 諸佛導世者
 說此微密語 菩提無音聲 亦無來去相
 文殊無畏者 今問如此事 雖說諸音聲

其性不可得 文殊所問法 無音聲文字
 音聲猶如風 無性無住處 文殊所問法
 遠離諸音聲 阿難今善聽 文殊所問法
 諸佛微密語 宣說菩提空 諸佛菩提法
 皆忘空寂相 無有諸方所 亦無有住處
 菩提如虛空 無生亦無滅 亦無來去相
 唯佛能顯示 猶如虛空中 無有諸相貌
 文殊今問此 妙淨菩提法 去來今諸佛
 等說此菩提 非是可見法 亦無能見者
 如此法性相 以音聲顯現 法界與菩提
 二俱不相見 淨檀波羅蜜 尸羅亦復然
 能淨忍辱者 顯現佛菩提 能淨於精進
 禪定亦復然 淨慧淨智者 能顯見菩提
 能淨於方便 到神通彼岸 無依無倚者
 以聲說菩提 我說三乘法 諸果差別名
 隨其所樂聞 分別而為說 五濁世眾生
 其心多怯弱 畏佛智慧故 不趣佛菩提
 成就第四果 名曰阿羅漢 從聲得悟者
 是名為聲聞 我說縛解相 日緣各差別
 曉了此諸緣 能現見諸法 便名阿羅漢
 亦号辟支佛 通達無三法 是名為菩薩
 空三昧無作 無相無所有 從此解脫門
 能入於涅槃 於前中後際 終不生染著

已難於方所 是故名無為 阿難汝當知
 文殊問甚深 能解微密語 不分別諸果
 文殊住一乘 不分別諸法 以是故問佛
 諸果相所以 三世皆平等 空寂無性相
 遠離諸音聲 不分別菩提 文殊所教化
 諸來大菩薩 二十恒河沙 其數不減少
 今來詣我所 欲聞菩薩行 亦欲聽三乘
 種種差別相 文殊無畏者 為除彼疑心
 是故今問我 身相及乘相 此是佛威神
 亦是本願力 為拔苦眾生 分別說三乘
 文殊無畏者 懇勸勸請我 唯願大法王
 說菩薩所行 百千億諸天 供養佛世尊
 皆著諸果相 願除此疑心 今此四部眾
 比丘等來集 著諸果音聲 不解微密語
 為除彼疑故 文殊今申我 以是眾因緣
 諸菩薩來集

寶印嚴淨經卷第一

癸卯歲高麗國大藏都監奉
 勅彫造

宋涼州沙門智嚴譯

尔時阿難白佛言文殊師利法王子
 問佛世尊廣博嚴淨不退轉輪法耶
 佛言阿難如是如是文殊師利法王
 子問我廣博嚴淨不退轉輪法所以
 者何諸佛世尊皆轉廣博嚴淨不退
 轉輪法阿難白佛言以何因緣世尊
 說堅信堅法八人須陀洹斯陀舍阿
 那舍阿羅漢聲聞辟支佛耶世尊彼
 之所行是菩薩法耶佛告阿難如是心
 是彼所行者是菩薩法所以者何五濁
 衆生心樂小法不求大乘是故諸佛以
 方便力隨衆生性而為說法以諸衆
 生多樂小法不堪大乘如來以方便
 力觀其深心令發道意入佛智慧向
 難如來以如是方便度諸衆生到安
 隱處無為無作離心數法皆志平等
 永滅苦樂無有方所亦無住處安隱
 寂靜無餘涅槃
 尔時世尊說是語已而便默然時尊
 者阿難問文殊師利言以何因緣故
 如來默然文殊師利言尊者阿難以

諸衆生問說是法少能信者是故默
 然世尊說微密之語唯我能了今四
 部衆咸生此疑以何緣故世尊說堅
 信法乃至聲聞辟支佛耶今此百千
 万億那由他諸天亦有百千万億那
 由他諸菩薩摩訶薩皆生疑心世尊
 何故說堅信堅法乃至聲聞辟支佛
 乘以佛默然而不說此難信法故諸
 河泉源小大諸水湛然不流空中諸
 鳥亭住不飛日月不行一切燈炷無
 復光照一切衆生無有感光所以者
 何世尊默然而不解說難信法故
 尔時世尊而行精舍一万蓮華迴旋
 圍繞者皆發此言唯願世尊說廣博
 嚴淨不退轉輪法所以者何我等曾
 於此處聞九十二億百千那由他諸
 佛皆說此法是時尊者舍利弗白佛
 言世尊願說廣博嚴淨不退轉輪法
 所以者何我夜後分與文殊師利法
 王子三三東方恒河沙佛土是諸如來
 皆說此法南西北方四維上下無量
 無邊不可計數諸佛世尊皆宣此法
 時虛空中有八十万五千那由他諸

天白佛言世尊願說廣博嚴淨不退
 轉輪法所以者何我等曾於此處聞
 九十二億百千那由他諸佛皆說此法
 尔時尊者阿難白佛言世尊以何因
 緣說堅信堅法乃至聲聞辟支佛今
 此四衆咸皆默然乃至無有聲咳之
 聲今此會中百千万億衆生皆生疑
 惑世尊何故說堅信堅法乃至聲聞
 辟支佛乘唯願世尊拔此大衆心中
 疑箭此諸大衆是佛時證佛告阿難
 如是如是諸佛世尊所說之法皆有
 時證阿難白佛言誰是證耶佛告阿
 難法是我證諸佛如來以法為證而
 有所說
 佛告阿難諦聽諦聽善思念之吾當
 為汝分別解說菩薩摩訶薩名目緊
 信乃至名目時支佛乘時尊者阿難
 諸大聲聞皆志一心聽佛所說佛告
 阿難菩薩摩訶薩令無量无边阿僧
 祇衆生信佛知見信佛知見已不著
 色不著受想行識以不著色不著受
 想行識故是菩薩摩訶薩名為堅法
 復次阿難菩薩摩訶薩信諸佛所說

廣博嚴經卷第一 第四十

法皆志空寂信此法者是菩薩摩訶
薩名為堅信復次阿難菩薩摩訶薩
信於佛智便作是念我等亦當成就
此智亦不見此智是故阿難菩薩摩
訶薩名為堅信復次阿難菩薩摩訶
薩於五欲樂不生欣樂成就信力是
故菩薩摩訶薩名為堅信復次阿難
菩薩摩訶薩作是念如佛世尊以不
可思議法施諸眾生我亦應學以不
可思議法施諸眾生如是菩薩摩訶
薩名為堅信復次阿難菩薩摩訶薩
心生歡喜捨一切物乃至自身尚以
布施何況餘物信行此施而不倚著
於一切處不生慳慳以此因緣迴向
菩提亦不起菩提見是菩薩摩訶薩
名為堅信復次阿難菩薩摩訶薩信
心清淨無有怯弱於佛法僧心得淳
淨守護六情無所願求無信眾生於
佛法僧令生信樂已生信樂心不放
逸發菩提心不著心相信知六界與
法界等云何信知所謂此界以諸音
聲文字故說實不可得信知諸行是
無常苦空無我之法亦信無漏聖戒

廣博嚴經卷第一 第四十一

非戲論法具諸三昧信一切眾生即
是滅界眾生之相即是滅相以無依
心見諸眾生即是法界而於此法不見
法界所以者何法界即是眾生無心
之界菩薩摩訶薩如是信者名為堅
信一切眾生無有住處所以者何自
性空故亦復不見眾生形相見諸眾
生同涅槃相所以者何眾生界空是
故即見是涅槃相若有能信如是法
者今多眾生得如是信是故阿難菩
薩摩訶薩名為堅信今時世尊欲重
宣此義而說偈言

能令諸眾生 信向佛知見 心不生染著
是名為堅信 信諸佛說法 其性相皆空
能信解此法 是名為堅信 信諸佛知見
是不可思議 發心而勤求 我應得是智
不生信樂心 貪求五欲樂 是信力成就
是名為堅信 信諸牟尼尊 以法施眾生
我亦應隨學 是名為堅信 信能行布施
乃至捨自身 亦不生施想 是名為堅信
信能施一切 不生慳慳心 盡迴向菩提
是名為堅信 信向於諸佛 其心無微濁
亦信無心法 是名為堅信 能守護六情

廣博嚴經卷第一 第四十二

亦不復願求 已信解此法 是名為堅信
諸不信眾生 以信而建立 今隨順佛法
是名為堅信 以此信向心 盡迴向菩提
而不得心相 是名為堅信 知六界平等
即與法界同 以音聲分別 不得諸界性
信諸行無常 苦空無有我 成就是信力
是名為堅信 信無漏聖戒 非是論戲法
具戒三昧者 是名為堅信 信諸眾生界
即是滅界性 能信如是相 是名信中信
眾生無依性 即是諸法界 如此諸法界
其性難思議 若能如是信 隨順彼法相
此無畏菩薩 是名為堅信 信諸眾生身
畢竟無所住 其性本空無 是故無處所
眾生是涅槃 其性即空故 以是義顯示
寂靜涅槃相 若能如是信 名無畏菩薩
如是諸眾生 皆名為堅信 阿難善受持
亦如是宣說 若有如是信 是名為堅信
如是等諸法 餘無量無邊 佛為諸菩薩
說是差別相

如是阿難如來應正等覺以方便力
為聲聞人說菩薩摩訶薩名為堅信復
次阿難今當為樂此法眾生復以偈
頌說菩薩摩訶薩名堅信義今時世

皆共和合一心聽 我說佛子諸功德
 布施持戒及精進 忍辱禪定智慧身
 信向樂求如是法 不信者信佛淨智
 有如是信名菩薩 導化世間無厭倦
 信解諸法無分別 其性空寂佛所說
 若能善解如是法 是名菩薩堅信者
 信佛知見無有量 發心欲求如是智
 無上大人所有智 我當何時得此智
 不信欲樂是淨法 不為欲因行惡業
 以信力改樂求法 有此勝信名菩薩
 信諸如來以法施 我亦應當如是學
 佛所說法隨順行 有此勝信名菩薩
 信能捨此上饋饋 象馬金寶及奴婢
 男女眷屬所愛妻 大小村城及國土
 亦以手足支節施 破骨出髓無所畏
 耳鼻眼目及以頭 有此勝信名菩薩
 信知此身內無主 是故能以意施他
 亦復能以妙法施 以是因緣求佛智
 信能捨此無我身 見未來者心歡喜
 如是眾生我善友 為善提捨危脆身
 信如是法善提回 以清淨心化世間
 聞法不疑佛知見 有此勝信名菩薩

◎佛說廣博嚴淨不退轉輪經

知眼無常及耳鼻 舌身及意亦復然
 知是虛偽不牢固 為善提回念能捨
 見苦眾生無信手 化令住信能信施
 目住慈心愍世間 皆令信佛取上智
 見著六塵行惡者 化令迴心趣佛智
 不得此心菩提回 能信菩提無心相
 見諸眾生界無智 不知六界長平等
 此法皆同法界相 以音聲說不可得
 見諸眾生在生死 無常計常癡冥中
 教信諸行是無常 今信解空無有我
 見諸眾生行惡戒 教令信佛無上戒
 自淨戒定諸功德 有此勝信名菩薩
 見諸眾生多懶墮 教令信佛大精進
 知精進力自調伏 能持此信名菩薩
 見愚眾生計壽命 教信陰身無有壽
 了知滅界同法界 若知此法是勝信
 分拈此身無去住 雖復異世業不亡
 所造善惡諸業因 終不遠離此法性
 見眾生性無依法 此界亦同諸眾生
 法界平等不思議 無畏菩薩如是信
 佛說此信無有二 勤修善行知諸法
 亦為他說如是信 而不染著於三有
 信如是等眾生性 無有決定常住處

不可取無相法 能信是法名菩薩
 是諸眾生如空定 亦不寂靜涅膠界
 不可說有諸性相 知是法者名持信
 見諸眾生信邊法 以寂靜法而導之
 故於三界得高稱 亦名持信勝菩薩
 若有如是妙勝信 發無畏心樂求法
 我法若有點慧人 廣向時來而宣說
 已說堅信諸功德 及餘種種差別相
 不著三界清淨心 憐愍眾生良福田
 長夜布施自調伏 住清淨戒修忍辱
 精進修定及智慧 行菩薩行心調伏
 以諸相應方便智 導眾生到安隱處
 能令不墮諸惡趣 有如是智名菩薩
 以真淨心動世界 震起波踊有六種
 光照花上坐菩薩 皆說寂靜空無法
 東方國土及南方 西方北方亦復然
 上方下方及四維 皆同說此寂靜法
 寧捨身命不疑佛 亦教他人信佛智
 若諸眾生有是信 佛及行者能證知
 復次阿難云何如來說菩薩摩訶薩
 名為堅法阿難當知菩薩摩訶薩於
 佛正法終不退轉受持佛法為他宣
 說終不毀犯於不可思議真如法界

第一八冊

二六九

唐傳藏經卷第二張

唐傳藏經卷第二張

木

唐傳藏經卷第二張

木

應當逮得如是等法堅心受持而無怯弱能觀諸法真實之相不生染著故而於此法無所受持於法非法亦不生著應如是持樂求諸法求已能受受已能持持已能說歡喜調柔易可共住常樂宣說寂靜之法不動法界能逮諸法真實之相於諸法中善得調伏亦不毀損常住妙身如此之身常住故妙應知此身無始無終無聚無散應如是知如佛世尊為諸菩薩分別解說於此法中亦應逮得見一切法清淨無垢善解諸法無可著處諸法性虛不可得見以不見故無所受持宣說法界無相無性無有言說亦無所有無有思想遠離思想心不可得其性寂靜離諸音聲無有言說非境界法常樂受持宣說是法而於是法心無所依以如是等無所有法種種差別為菩薩摩訶薩說而於此法不作合散無種種相如其所說皆已逮得已得此法名為性性地地菩薩摩訶薩乃至於少法中不生未去想已能受持不來去法而於此法

不生增減亦無聚散若能受持不增不減不散不散如是等法是名堅法菩薩摩訶薩於諸法性得無所得以於此法性無所得故是菩薩摩訶薩名為堅法今時世尊欲重宣此義而說偈言

於諸佛正法而無所退轉能持如是法
是名為堅法 未曾有毀犯 不思議法界
能逮如是法 是名為堅法 久發心受持
諸佛所說法 心無有怯弱 是名為堅法
於一切法性 正趣而勤求 不生染著心
是名為堅法 不著亦不住 亦能教示他
能持如是法 是名為堅法 調柔易共住
宣說寂靜法 不動彼法性 是名為持法
了知諸法體 而無有性相 於此法決定
是名為持法 亦未自毀損 常住真妙身
當知此身者 即以法為體 此身無終始
諸法之所成 於此無增減 是名為持法
佛為諸菩薩 宣說諸法相 能得如是法
是名為持法 此界性自空 於法無染著
能持如是法 是名為持法 觀察一切法
性空不可見 以不見法故 亦復無所持
以無所持故 能顯示法界 無性相音聲

其體無所有 遠離諸思想 心亦不可得 以不得心故 名不可思議 已遠離心想 宣亦寂靜法 無音聲境界 名不可思議 能持如是法 亦復無所信 不依無所信 不依無所有 佛為諸菩薩 宣說如是法 不合亦不散 亦無種種相 若說於此行 得住於性地 已住於性地 即名性地人 住性地菩薩 畢竟無所依 能持如是法 是名為持法 以是故阿難 菩薩摩訶薩 於法無所得 即名為持法 若有諸眾生 佛道生遠想 以方便力故 今到究竟處 如是法及餘 為諸菩薩說 以微妙方便 顯亦佛知見 持法大明人 唯佛能證知 及修行此法 無畏諸菩薩 不可思議智 說持法差別 法非法清淨 安住是法中 如是阿難如來正等覺 以方便力故 為聲聞人說菩薩摩訶薩名為堅法 復次阿難云何如來說菩薩摩訶薩 名為八人阿難當知菩薩摩訶薩已 過八邪修八解脫不著八正過凡夫 法而無所作遠平等道過凡夫法勤 求菩提不得菩提離諸邪見而修正 見遠平等道離自身相雖未得佛身

而求菩提離衆生想而修佛想速平等想離衆生攝憲法求無攝憲法於諸法中而無所住所以者何不見有法而可住者過世間法開通聖法已速滅界亦不得世間及出世間法遠離有無是法非法善能觀察斷常二邊觀去來現在心相乃至菩提心相亦不可得所以者何已速衆生心相平等法故是以毒不能害火不能燒刀不傷身所以者何已能遠離諸境界故雖未得佛行已於諸趣無有決定所以者何菩提離諸趣故菩提趣者安靜無為菩提性空無有處所以以刀不傷身名不可害其乘疾疾名不可害所以者何速達此乘無有罣碍以是事故刀不傷身亦有遍緣衆生慈菩提行慈一切衆生界不可得無所行慈一切法空慈趣寂靜界慈離瞋恚慈行智明慈能照菩提衆生界不可得慈遍緣衆生故刀不能傷知欲色無色界皆悉平等亦知法界平等如菩提無種種相不可知不可著無戲論無垢微安隱寂靜離諸音

聲菩薩摩訶薩能了知是界於諸趣中所有言說音聲皆能了知所以者何以於無來去法界中得無住法忍故善知一切衆生言音而為解說寂滅之法不作是念我於是時為此衆生說法已遠離我想諸音聲故知諸法寂靜故於諸法中不取其相不可得故不著言說故是菩薩摩訶薩名為八人亦時世尊欲重宣此義而說偈言

已過於八難 正住八解脫 不著八正見 是名為八人 已過凡夫法 而不住正道 處中雖二邊 是名為八人 已過凡夫法 而離求菩提 不得菩提相 是名為八人 遠離諸邪見 能修行正見 遠得平等道 是名為八人 遠離自身相 而不住菩提 雖未得佛身 是名為八人 除去衆生想 能修行佛想 已遠平等相 是名為八人 離衆生攝憲 求無攝憲法 不住於諸法 是名為八人 已過世間法 而開通聖法 成就於滅界 是名為八人 諸佛所說法 及餘世間法 不得此法相 是名為八人 見有是一邊 見無第二邊 能捨如是見

是名為八人 觀察中道法 及與斷常邊 知是平等想 是名為八人 不得過去心 及與未來心 現在心不住 是名為八人 所說寂初心 能生菩提者 此心不可得 云何得菩提 若能遠得此 不得菩提心 故毒火不能 傷害壞其身 其趣雖不定 遍修如是行 速無去來法 故名不可害 菩提無趣相 以音聲故說 善解音聲相 故名不可害 去相不可得 來相亦復亦 音聲說去來 故名速疾乘 是故名安隱 亦名為空無 亦名速疾乘 亦名不可害 如是速疾乘 菩薩應遍通 無能罣碍者 是故名不害 設以利刃刀 不能傷其身 不見於身相 故刀不能害 遍緣衆生慈 及以菩提慈 行菩提慈故 不為刀所害 無行無衆生 不得衆生界 寂靜無生慈 遍緣衆生慈 遠離瞋恚慈 及行智明慈 能照菩提慈 遍緣諸衆生 解刀是空法 善修於身相 未得菩提道 不為刀所害 已遠寂靜界 遠離諸趣惡 惡業不能障 不為刀所害 遠離於無明 已證知明法 遠得菩提照 是名為八人 能知欲色界 無色界是空 皆悉是平等 是名為八人

界此言接等商攝經卷第二無有種種相第一無智無分別

清淨無戲論已逮此平等菩薩無所依

所說諸音聲能遍至諸趣未去諸音聲

皆歸於法界於無住法中得此最上忍

善解象生音為說寂滅法不生如是心

我為彼說法已過音聲法不取種種相

知諸法寂滅是名為八人已過諸音聲

通達音聲界不著音聲者故名為八人

阿難以是事是名為八人雖作如是說

其實不可得

如是阿難如來等正覺以方便力為

聲聞人說菩薩摩訶薩名為八人

復次阿難云何如來說菩薩摩訶薩

名須陀洹阿難當知不可思議佛道

名須陀洹菩薩摩訶薩住無所住近

於佛道不受諸法無所依倚亦無所

緣不住諸法畢竟無生等菩薩摩訶薩

為得是道故堅固精進堅固思惟無

有懈怠終不違逆心無所依諸佛所

乘無上最勝出要之道不著此道亦

不住中以如是道推求諸法雖復推

求而無所得而於彼道不動不住於

法平等諸法平等諸佛平等遠離身廣說經卷第一見能生佛見開悟諸見修對治想已過我想阿難以是事故菩薩摩訶薩名須陀洹不著佛道遠無滌道不疑佛菩提不遲擇戒乃至不見佛戒以不見故不選擇戒不分別戒永斷三結不住三界已遠佛道離眾生想無所依止離依止法專求佛道得安隱寂靜道不惜身命以歡喜心能捨一切物顏貌和悅無有頽感為菩提故而行布施無有少物而不能捨為濟苦眾生故今到涅槃故為修有相法故得無相法故離眾生想入眾無畏說寂靜法淨菩提道無所怖畏乃至無有死畏所以者何以逮得寂靜法遠離塵垢安住佛道善修思趣諸平等想無戲論道阿難以是事故菩薩摩訶薩名須陀洹今時世尊欲重宣此義而說偈言

不思議佛道名為須陀洹若有住此道必流入菩提此道如虛空不依一切法無緣無所住所有不可得菩薩堅精進能逮如是法諸佛導世尊無上出要道不滌著此道亦復不住中以此道推求不見一切法此道無動搖亦復無住中不懈怠如佛不逆無所畏所說生死相佛想亦復然能於此平等知是須陀洹諸結及障礙能覆佛道者皆悉能遠離是名須陀洹能斷於身見而生於佛見開悟諸邪見善修對治想善修自身想知我想過患是名須陀洹不著於佛道設生此猶豫我不得菩提即得無滌者而求於佛道亦不選擇戒不願佛尸羅已斷於戒想不分別尸羅永斷於三結不住於三界已逮得佛道善修眾生想以無所緣道而求於菩提已遠寂靜道佛無垢菩提好樂行布施和顏無頽感不惜於身命為無戲論道為苦惱眾上一切皆能捨今過須陀洹妙勝界之上遠離諸有想善通達無相以是故無有惡名諸怖畏所說法非法二俱能遠離於中不滌者無有惡名畏若入大眾時其心無所畏宣說寂滅法已淨菩提道若起眾生想能生其真實以是故無垢遠離一切畏已離一切怖乃至無所畏已得寂靜道安隱無有上知思趣平等

而不生怖畏 此道現在前 無有吾我想
菩薩如是法 名為須陀洹 為樂小法者
而作如是說 以微妙方便 宣說於佛法
於道放逸者 今入如是法 諸佛之導師
捨方便而說 為諸久行人 求取勝道者
以是故阿難 我說須陀洹 點慧諸眾生
能解了是事 以是故阿難 我說須陀洹
不點慧眾生 謬分別是事 凡小無智心
不解微密語 愚心起諍訟 不解微妙義
滿足多百法 乃名須陀洹 以須陀洹名
顯示諸佛法

癸卯歲高麗國大藏都監
勅彫造

佛說廣博嚴淨不退轉輪經卷第三 六

宋涼州沙門智嚴註

復次阿難云何如來說菩薩摩訶薩
名斯陀舍阿難當知菩薩摩訶薩隨
學佛智解了菩提不從緣生為無緣
智故而求佛智以眾目緣求無處所
禪而求佛智得燒煩惱法燒諸煩惱
得佛平等法求未得法如諸佛阿羅
訶三藐三佛陀雖度眾生而不動眾
生求不動眾三界有諸眾生慧心微
薄愁憂苦惱不解法界欲令此眾住
於智故而求佛智於根力覺道解脫
三昧先自覺悟覺悟眾生而求佛智
所可用智能至道場為得此智而求
佛智佛眼是不可思議無障尋眼恒
以此眼利益世間為求是智眼故求
智中勝智而可用智知一切法如如
亦不可得此智而可用智令一切眾生
住是智中所謂不住一切法智以是事
故而求此間來已見眾生界是不可
思議界求是界已不得此界眾生從
何而生不知眾生受從眾生界有

差別名觀察法界眾生界時不見是
差別相見眾生界盡入法界見法界
是平等道佛法道是眾生不可得道
眾生平等智道為求是無比智故此
智清淨離塵垢不得此智不可以此
智求知此智是無所知智菩薩摩訶
薩以此智故而有差別未得此智為
求此智而來此間阿難以是事故菩
薩摩訶薩名斯陀舍今時世尊欲重
宣此義而說偈言
隨學諸佛智 其智無有上 以求佛智故
是名斯陀舍 所說眾因緣 能生於菩提
為如是緣故 是故來此間 所說無處禪
能燒諸煩惱 以是故來此 為生此禪故
先所未得法 一切智所行 我亦欲求故
而來於此間 不動諸眾生 法界亦如是
為不移動故 是故來此間 苦惱無點慧
愁憂諸眾生 欲令如是眾 住佛無量智
諸根力覺道 解脫及與禪 自覺覺他故
而求於佛智 能趣向道場 先佛所行法
為求此法故 是故來此間 為求如是智
不思議佛眼 求如是眼故 而來於此間
諸佛導師 所行巧方便 為求如是智

廣博嚴淨經卷三 第三段 水 善清

諸智中取勝 諸所可用 智能知諸法如
此智不可得 云何求諸法 願令多眾生
安住無上智 亦欲令他知 故來於此間
來已見眾生 其界不思議 是以斯陀舍
來此求眾生 以求眾生界 眾生不可得
是故雖來求 亦復不可知 不知諸眾生
及以眾生界 若能知此界 知眾生差別
觀察一切法 觀已無所見 安住於定心
而求諸佛法 若有此淨智 無垢性清淨
亦不得此智 而知於所知 以如是眾生
能速得此智 名無依菩薩 是故來此間
阿難以是事 名為斯陀舍 無點慧眾生
課分別是事 阿難以是事 名為斯陀舍
勤精進眾生 乃能知是事 慧者解微密
於深法決定 能解如是義 速能生菩提
如是阿難如來等正覺 以方便力為
聲聞人說 菩薩摩訶薩 名斯陀舍
復次阿難云 何如來說 菩薩摩訶薩
名阿那含 阿難當知 菩薩摩訶薩 已
過分行得佛 所行遠離 一切諸所行
法 知無來去法 於諸法中 無所依無
所住 是故不來此間 所以者 何亦不
見法來去相 故已過凡夫 離凡夫想

廣博嚴淨經卷三 第四段 水 善清

亦離佛想 過無所住 法無有因緣 能
使來者 所以者 何已逮寂靜界 故諸
佛導世者 說凡夫 禪不往生 彼離諸
難處 永斷愛欲 不食搏食 永離食想
逮得菩提 亦諸邪見 無所貪著 知六
十二見性 同涅槃 離諸蓋 想離諸法
中 所有過患 清淨無垢 制伏憍慢 拔
無明箭 已害愛結 無復喜愛 燒諸煩
惱 離一切想 拔憂惱箭 離慢大慢 善
知諸音 速得照明 乘不可思議 佛乘
得菩薩摩訶薩 性離欲 汙泥 得先佛
所藏 寂勝智 藏無增無減 得一切眾
生 乘中 取上佛乘 離有無想 斷一切
疑 菩薩摩訶薩 成就如是等法 不來
此間 名阿那含 復次阿難 菩薩摩訶
薩 有緣眾生 令住菩提 云何而住 所
謂眾生 即是菩提 菩提即是眾生 能
覺眾生 想所以者 何已了知 性空 故
知眾生 界是不可思議 界故是 故能
覺此 思想 能知眾生 界即是 虛空 界虛
空 界空 故遠離 眾生 界虛空 界離虛空
性 無所止住 虛空 界虛空 性空 以如
是法 今諸眾生 迴向菩提 所以者 何

廣博嚴淨經卷三 第五段 水 善清

知眾生 是虛空 界眾生 界皆入 虛空
界 所以者 何 眾生 性 諸法 性 各 各 相
入 所以者 何 以 不可 得 故 以 不可 得 故
不來 此間 是 故 數 名 阿 那 含 一 切 諸 法
中 無 有 數 相 諸 佛 已 過 數 相 阿 難 以
是 事 故 菩 薩 摩 訶 薩 名 阿 那 含 亦 時
世 尊 欲 重 宣 此 義 而 說 偈 言
已離不復來 更不修分行 已離分行故
是名阿那含 善知來去相 不依一切法
不得少處所 而可來此間 諸佛導世師
所說凡夫禪 更不往彼間 是名阿那含
諸法無來相 去相不可得 逮無來去相
是名阿那含 其人更不復 趣向三惡道
已逮諸佛法 是名阿那含 永斷一切欲
不貪於搏食 已逮菩提道 是名阿那含
所說諸見處 凡有六十二 更不住見處
故名阿那含 諸法無性相 已離於性相
如實了知故 更不來此間 說涅槃寂靜
能燒諸煩惱 能遠離諸垢 故不來此間
已斷諸難處 能遠離塵垢 到安隱涅槃
是名阿那含 已降伏惡魔 及其諸眷屬
不為彼所動 是名阿那含 已拔無明箭
亦害諸愛結 已覺知喜愛 是名阿那含

能燒諸煩惱亦離諸有想決定勝妙果
 是名阿那含 已拔憂惱箭 除去諸憍慢
 善知五陰相 是名阿那含 已達諸照明
 不思議佛乘 遠離欲汙泥 是名阿那含
 已得大智藏 先佛之所藏 諸藏中軍勝
 是名阿那含 已安住無上 諸佛之大乘
 永斷諸疑心 是名阿那含 有緣諸眾生
 皆令住菩提 為彼住菩提 而不來此間
 能知諸空界 眾生界難思 已離如是想
 是名阿那含 能知眾生界 及以法界空
 不得諸眾生 是名阿那含 其心更不求
 取善諸有相 已到無相處 是名阿那含
 阿難以是事 名為阿那含 以無所住法
 而住佛法中
 是故阿難如來等正覺以方便力為
 聲聞人說菩薩摩訶薩名阿那含
 復次阿難云何如來說菩薩摩訶薩
 名阿羅漢阿難當知菩薩摩訶薩離
 諸分行應行佛行拔濟一切眾生行
 破諸煩惱應為煩惱所苦眾生解煩
 惱縛而不得眾生亦不得煩惱縛應
 作是事名阿羅漢捨有所得住無所
 得知一切空此空亦空通達無相以

離諸相離一切想知眾生想是過患
 法能捨無智達無心法曉了空法應
 逮菩提應生不可思議佛菩提以是
 事故名阿羅漢應宣說法如三世佛
 已說今說當說其所說法皆悉寂靜
 無有戲論清淨無穢通達是事故名
 阿羅漢應令眾生住於菩提知一切
 法及與菩提是無所有而不可取應
 修佛慈不著眾生慈以如是慈遍緣
 眾生而不得眾生已達眾生不可得
 慈故名阿羅漢應說諸法利益眾生
 而不起法非法想於諸法中應常在
 先是名阿羅漢應為眾生說根力覺
 道而於此法不捨不著故名阿羅漢
 應令眾生知清淨菩提今彼眾生起
 如是菩提故名阿羅漢應於世間眾
 生利養而不貪著應為眾生說不貪
 著利養法說此法故名阿羅漢應往
 諸佛世界應見諸佛如佛見佛見如
 是佛世界已應當發心求如是世界
 所謂不可思議世界不可量世界無
 等等世界無過世界無戲論世界不
 可說世界空世界無相世界無作世

界不退轉世界離女人世界離姪欲
 世界無煩惱世界佛無尋辯世界菩
 薩世界無障尋世界無染世界降魔
 世界無怨敵世界無畢竟涅槃世界此
 諸世界於一切世界中上應求如是
 世界故名阿羅漢未生諸法應生起
 故名阿羅漢於欲不捨於可瞋法不
 生瞋故名阿羅漢於無上滅集智速
 通達故名阿羅漢以阿羅漢故名為
 菩提以菩提故名阿羅漢菩提不動
 以眾生界不動故應令百千萬億眾
 生住菩提道住菩提道故名阿羅漢
 一切眾生及與菩提從無分別生應
 以是平等法教諸眾生此平等法於
 一切法中無與等者此平等菩提從
 無分別生應知如是法知是法已為
 眾生說無有增減成就無增減法故
 名阿羅漢應說如是離音聲法故名阿
 羅漢應解如是多眾生意者所謂眾生
 不可得者眾生斷常者眾生身見著
 不能過者見諸法不生不滅無為無
 作者不壞色者不壞受想識行著離
 凡夫法著建立諸佛法著須陀洹果

唐译藏经第三卷 第九册 木

想著斯陀含果想著阿那含果想著阿羅漢果想著辟支佛果想著如来等正覺想著菩提心想著為菩提故行施著為菩提故護戒著取瞋恚想行忍著取懈怠想行精進著取亂心想生禪定著取惡慧想修智慧著於父母妻子男女眷屬兄弟姊妹所愛諸親著欲見愛念諸親者樂談說著煩惱法出要法作二見者貪利養著見在家出家者見卑勝法著離凡夫法著緣佛法著見下上法著具足諸相方便著生佛世界想著應除眾生如是著故名阿羅漢亦不分別是眾生是涅槃法是眾生非涅槃法是眾生能生法是眾生不能生法是眾生行菩提是眾生不能行菩提是眾生持戒是眾生毀戒是眾生多福是眾生少福不起如是二見名阿羅漢亦不分別是眾生是福田是眾生非福田是眾生精進是眾生不精進是眾生凡小是眾生智明此是女人此是男子此是非男非女此是法此是非法不起如是二見名阿

廣修慈法第三卷 第五册 木

羅漢亦不分別是眾生於菩提退轉是眾生於菩提不退轉是眾生於菩提得自在是眾生於菩提不得自在是眾生近菩提是眾生遠菩提發如此心我當得菩提入無餘涅槃略說能除眾生一切著故名阿羅漢阿難阿羅漢如是除眾生著已亦為眾生說眾生實性說如是法故菩薩摩訶薩名阿羅漢今時世尊欲重宣此義而說偈言

已能捨一切 所有諸分行 能捨分行故 是名阿羅漢 能斷諸煩惱 及苦眾生結 皆令得解脫 是名阿羅漢 遠離有所得 住無所得法 知一切法空 是名阿羅漢 已能知解空 亦通達無相 遠離一切相 是名阿羅漢 應行寂勝行 諸佛之所行 度脫諸眾生 生死大險難 已離一切相 知眾思想過 能捨諸想故 是名阿羅漢 捨諸無知想 通達無心法 已知空法故 是名阿羅漢 應速得諸佛 不思議菩提 應勤行精進 是名阿羅漢 應宣說諸法 清淨無戲論 今眾生住道 是名阿羅漢 應以過緣慈 令眾生安樂 而不得眾生

廣修慈法第五卷 第五册 木

是名阿羅漢 應宣說諸法 於眾取第一 無法非法想 是名阿羅漢 應為諸眾生 說根力覺道 不淨著此法 是名阿羅漢 應令他眾生 覺清淨法 亦能生菩提 是名阿羅漢 應不生貪著 世所有利養 不貪利養故 是名阿羅漢 應往詣諸佛 嚴淨妙世界 諸佛所住處 為眾生說法 應當發是心 求此嚴淨界 應求是界故 是名阿羅漢 於欲無所染 瞋慶不生瞋 知菩提平等 是名阿羅漢 已於滅集智 通達寂滅相 以菩提道故 是名阿羅漢 於諸眾界 不移動眾生 令多億眾生 皆住菩提道 眾生及菩提 從無分別生 能知此平等 是名阿羅漢 一切法等中 此法等最上 此等及菩提 從無分別生 知已為他說 而無有增減 亦從此法生 故名阿羅漢 應為此眾生 說無音聲法 解脫多眾生 而無有動者 眾生不可得 及斷常二邊 為除諸邪見 令得脫眾苦 著諸法生滅 無為無作相 諸苦惱眾生 以相而分別 不毀壞於色 於受亦復然 想行及與識 今離此諸著 於此凡夫法 而見有移動 住佛法不住 皆令得解脫

位於諸果想 緣覺想亦然 為眾生說法
 令離佛想著 著於菩提心 善施亦復然
 著於成忍著 為說無著法 取於慳急想
 分別行精進 定心與亂想 惡慧及妙慧
 不分別此法 知無種種相 應當如是說
 是名阿羅漢 堅著於我想 聲聞多分別
 為除分別故 應為彼說法 父母及妻子
 無慧故貪著 此道非菩提 是生死而行
 此是我兄弟 姊妹愛念心 除彼貪愛者
 是名阿羅漢 故作巧談說 發他喜勇心
 生意欲得見 先舊諸所親 若得相見時
 侵轉生愛著 無智顛倒故 屬魔不自在
 遠離諸利養 知利養過患 應為諸眾生
 說諸利養過 此是煩惱法 此是出要法
 不著此二見 是名阿羅漢 貪著於利養
 而不能自解 能除彼著故 是名阿羅漢
 此是在家法 此是出家法 凡小起分別
 應為解彼著 於一切法中 而見有卑勝
 若見器非器 應解如是著 遠離凡夫法
 而緣於佛法 應為彼說法 離得不得著
 大小非堅法 如是甚眾多 當應為解者
 眾生如是相 能生諸相好 其事亦眾多
 唯有調柔者 能除彼想著 諸佛妙世思

佛說廣博嚴淨不退轉輪經

與起作淨心 著彼世界想 應當為除却
 二勝非涅照 能生不能生 此行菩提道
 此不求菩提 惡戒及善戒 有福及無福
 愚智諸眾生 而作種種相 如是諸眾生
 多有種種想 為除此想故 應為彼說法
 此是良福田 此非良福田 分別愚智法
 其事亦眾多 取善於女想 亦復分別男
 是聖是非聖 分別起二見 眾生無慧心
 起於此二見 著此二見者 應當為除却
 退轉不退轉 有記及無記 此近於菩提
 此不近菩提 已遠於菩提 畢竟般涅照
 行如是諸相 分別於涅照 唯有調柔者
 除眾生是想 是名阿羅漢 亦名除相者
 此是菩薩法 說名阿羅漢 若見此本緣
 知是阿羅漢
 如是阿難如來等正覺以方便力為
 聲聞人說菩薩摩訶薩名阿羅漢
 復次阿難云何如來說菩薩摩訶薩
 名為聲聞阿難當知菩薩摩訶薩以
 佛法淨不可思議法聲寂靜菩提法
 量無邊不可計眾生聞故名為聲聞
 復以涅照是無比法安樂法聲念度正

勤神足根力覺道法聲今多眾生速
 能勤求名為聲聞說此身空非堅固
 法堅固不可得凡夫愚小貪著此身
 為解說聲又說眼入所見虛妄應生
 佛眼不可思議法眼以此眼故令多
 眾生無愚感聲又說諸法無生相聲
 名為聲聞又說音聲其喻如響不應
 於香而生嗅想無有嗅香者如人夢
 中嗅眾多香實無有香亦無嗅者以
 顛倒故起嗅香想此香猶如夢法而
 不可信亦無牢固說是法聲名為聲
 聞復說舌入猶如肉段不能知味如
 此肉段猶如聚沫實無所有如是味
 想不可思議味界無心離諸心法不
 應生心心是不住相說如是法聲
 今眾生聞名為聲聞又於此法了了
 現見如其所見能宣說聲又說是身
 空無性相以無相故不生亦無所生
 為多眾生說是菩提法聲名為聲聞
 復說意入空無所有亦無自性其猶
 如幻不生不滅說是法聲名為聲聞
 又說不可思議法施此法能得菩提

廣博經卷第三 第五十

菩提不可思議法施亦不可思議能
生不可思議菩提法所以者何如其種
子果實亦然此中無果以音聲故說
果復說財施下劣法施取勝除却慳
心無所分別不生施想猶如幻師於
所幻事無所分別如是以無所分別
心而行布施能生菩提說是法聲名
為聲聞此聲離一切說息諸煩惱過
諸言說離諸染著以是音聲為諸眾
生宣說佛法所以者何此音聲一切
音中取上以是音聲宣說佛法此聲
不可破壞亦無所依從無二無別生
如其所生說無二無別佛法是故阿
難菩薩摩訶薩以如是法聲令眾生
聞名為聲聞今時世尊欲重宣此義
而說偈言
以不可思議 取上佛法聲 今多眾生聞
菩薩名聲聞 能為多眾生 說菩提寂滅
清淨無戲論 是名為聲聞 宣說涅槃樂
其樂無有比 亦說寂滅相 是名為聲聞
說念慮正勤 根力及覺道 速生此法故
是名為聲聞 宣說此身空 牢固不可得
為諸凡小者 願說是身相 又說於眼人

廣博經卷第三 第六十

所見皆虛妄 無智諸眾生 於此生塗惑
應生於佛眼 難思平等眼 於無生法中
亦不生惑者 知聲猶如響 解耳亦復然
此中無聞者 亦復無說者 以無聞說故
不應生塗著 宣示諸眾生 是名為聲聞
如人於夢中 嗅種種諸香 但依顛倒起
而實無所有 應如是知鼻 不能嗅彼香
為顛倒眾生 菩薩宣說是 說舌是空無
肉段不知味 若肉能知味 手觸時應知
宣說如是想 味想多過患 當知此味界
是不可思議 菩薩無所依 能現見了了
宣說現見法 是名為聲聞 宣說如是身
空無有性相 空無性相故 不生無所生
菩提亦如是 不生無所生 為多眾生說
故名為聲聞 說意入性相 其實無所有
說無所有法 故名為聲聞 宣說布施法
法施難思議 此施能出生 無上佛菩提
財施是下劣 法施為寂勝 能除慳貪心
得三菩提果 離諸宣說聲 息諸煩惱聲
離諸染著聲 無垢清淨聲 寂上微妙聲
其聲性寂靜 以此寂靜聲 說難思佛法
此聲不可壞 亦復無所依 說無二無別
故名為聲聞 以如是音聲 宣諸佛所說

廣博經卷第三 第七十

隨音聲而說 而求菩提道 常為他宣說
嚴淨佛世界 無上道世師 諸佛所住處
說此三千界 如虛空而住 如空諸眾生
皆同涅槃相 所說四十四 今眾生差別
皆悉如虛空 不思無分別 此界亦如是
莫生堅固想 此中無生死 無煩惱可滅
生中無法生 亦無有眾生 此皆寂靜故
無有見生者 恒為眾生說 晝夜不斷絕
而不生長念 我為眾生說 聲聞如是知
亦為眾生說 無聞能聞故 是名為聲聞
其心意勇猛 宣說取上法 若能知此法
亦知諸法如 聲聞說如是 無染無有漏
亦為多眾生 說無染著法 若知無染界
清淨無戲論 於諸佛法中 欲觀不能見
諸佛所說法 遠則不可見 近亦復無有
而能得見者 聲聞說是法 今多眾生信
安住是法中 故名為聲聞 阿難以是事
我說是聲聞 當知是聲聞 是無依菩薩
是故阿難如來等正覺以方便力為
聲聞人說菩薩摩訶薩名為聲聞
復次阿難云何如來說菩薩摩訶薩
名辟支佛阿難當知菩薩摩訶薩於
一切法現見了了以現見了了故能

知聖法而於諸法不增不減覺一切法無有增減現見了了名辟支佛覺知一切不可思議法覺知一切眾生等同涅槃而不可得不生不滅不生不滅故即是實際照涅槃際眾生際一切諸法無所有際稱名字際不可言說際不依言說不可以言說說所以者何言說法空不得自在言說不能知眾生際及以法際現見了了覺知此際名辟支佛現見色陰以言說故名為色陰而此色陰無有言說離言說故但以言說名為色陰此中無我我所所以者何言說說者此二皆空不得自在不生不滅言說無知云何能說此是色陰受想行識亦應如是了了現見現見識陰以言說故名為識陰而此識陰無有言說離言說故但以言說名為識陰此中無我我所所以者何言說說者此二皆空不得自在不生不滅言說無知云何能說此是識陰於此五陰言說諸緣了了現見名辟支佛所以者何此陰言說諸緣此緣無緣非緣能知阿難是苦

宣此義而說偈言

現見一切法知聖法亦然無諍不可壞畢竟無有相現見一切法其性相自空若知自性相畢竟無所有已達此現見與彼法三異長名為正覺難思辟支佛眾生如涅槃其始不可得無始無終際是名為管際眾生如涅槃畢竟無有生若法無有生說名為涅槃眾生如涅槃亦有諸照用照用無有我故名為涅槃眾生如涅槃立種種名字不生亦不滅以言說故說言說性是空言說無所知以無所知故眾生是涅槃言說不自在無我無有心以言說無性畢竟無所有言說不依際亦復無所住言說所說者難思眾生際眾生際涅槃不思議實際安隱無戲論最勝歸依處猶如電光際即是眾生際無緣無處所不思議實際一切法邊際無有眾名字以名字名故其際不可得實際不可名亦無能知者眾生際無我當知此際空言說不依際言說無所宣若能了知此無有眾生際言不自在三言不知諸際言說所言者

難思眾生際如是等諸際自然能覺知是名為正覺難思辟支佛現見於色陰以名字故說此陰無言說常離言說故遠離於所知所知名計壽能知此所知而無有住處所說名色陰色陰無有我言不自在空畢竟無生滅所言言說性畢竟無所有以無所有故能說色陰名受想亦如是行識亦復然以無有言說說是五陰名此陰不可說亦復不可斷不生亦不滅無處非無常非煩惱出要非報亦非業非取亦非捨非戲論寂滅亦非著塵他非毗婆舍都非多欲知足非解怠精進非掉亦非悔亦無有增減不得所生法而可以為戒不修無分別宣說無分別無怖無有諍無縛亦無解以此入言說言說無所入言說及諸法無言說而說自能遠現見說法無窮已依如是三昧不著諸言說有此現見智知言說平等如言說諸法以無言說說已達此現見更不復隨他其名為正覺難思辟支佛復次阿難菩薩摩訶薩現見無明及行非生想知識自性知名色自

廣博嚴淨經第三卷 第三張 本

性知六入自性知觸自性知受自性知愛自性知取自性知有自性知生自性知老死自性於此法中了了現知名辟支佛亦時世尊欲重宣此義而說偈言

現見於無明 畢竟不能生 猶如水中影 終始無所有 明見一切法 而無動搖相 若見法如是 是故名為明 明性如虛空 一切法皆介 若得此現見 是名辟支佛 如說此身行 而不在於內 亦不在於外 此身行不生 身行如芭蕉 畢竟無堅固 不生亦不滅 其性如虛空 無畏諸菩薩 若得此現見 是名為正覺 難思辟支佛 了知一切法 其性常如幻 亦能深信解 識無所有性 觀察如此識 所行而虛妄 以有此知故 能知識性空 已知智非知 一切處無滌 若知如是法 識則同於幻 如說諸名色 無受不可說 而知其性相 畢竟無所有 能說諸入性 而無有取相 能如是知入 此是性空故 觸性無不在 住於諸入中 觀察此觸時 如幻無所有 觸性本自空 分別故能知 而此諸觸性 住處無方所 若能現見觸 智者能達離

廣博嚴淨經第三卷 第三張 本

有慧達離觸 是名辟支佛 能知受相空 受亦無自性 如泡不牢固 畢竟無所有 已斷一切受 通達無受法 已到愛盡處 是名辟支佛 知取無所取 亦知是虛無 不生無所有 如熱時炎水 本來諸有想 及本有生想 若知此性想 畢竟無所有 已離一切老 更不復受死 而於一切處 不復更受身 已達此現見 而無有所依 以辟支佛名 宣說諸菩薩

如是阿難如來等正覺以方便力為聲聞人說菩薩摩訶薩名為辟支佛如是阿難諸佛如來說菩薩摩訶薩名為堅信堅法八人須陀洹斯陀舍阿那含阿羅漢聲聞辟支佛亦時尊者阿難便說偈言

自在導世師 不可說而說 於空中作結 即空而解之 佛有大方便 說無著法者 於不可說法 而能分別說 廣博嚴淨不退轉輪經卷第三

癸卯歲高麗國大藏都監奉

勅風造

傍說廣博嚴淨不退轉輪經卷第四 本

宋涼州沙門智嚴譯

今時阿難白佛言世尊一切世間必生疑惑不能解了如來等正覺以何緣故說堅信堅法乃至辟支佛耶今時世尊告阿難言阿難當知若有眾生於先佛所造眾善行能解如來密語不生疑惑所以者何能知如來密語如幻如熱時炎如夢所見如影如響阿難若如是知密語者不生疑惑是故阿難菩薩摩訶薩於如來等正覺密語應如是知若有勤行精進不得精進勤修智慧不得智慧者不生疑惑今時世尊欲重宣此義而說偈言 諸佛導世者 微密語難知 為發大莊嚴 無異菩薩說 懈怠無智者 不能解密語 應當勤精進 為解密語故 如幻炎夢見 如雷亦如響 以言說顯現 如是等諸法 如是知諸佛 所說微密語 能以如是慧 照淨微密智 不應如是知 菩提可宣說 應如是覺知 無言說故空 空不能知空 空不分別空 斷一切分別 顯亦如是空

虛空無所歸 亦無有取捨 以無取捨故 是故知法空

佛告阿難若如是知有為法皆悉如 夢而不放逸者不生疑惑說是法時 五億比丘生堅信想者即從坐起整 其衣服偏袒右肩右膝著地一心合掌 皆共和合住於佛前而說偈言

今日牟尼尊 除我等疑心 得解微密義 以信求菩提

復有五億比丘生堅法想者從諸比 丘聞此偈已即從坐起乃至合掌住 於佛前而說偈言

今蒙菩提照 除我等疑冥 得解微密義 堅法求菩提

復有十億比丘生八人想者從諸比 丘聞此偈已即從坐起乃至和合住 於佛前而說偈言

先住八地心 今日皆除捨 得解微密義 八人求菩提

復有十一億比丘生須陀洹想者從 諸比丘聞此偈已即從坐起乃至和 合住於佛前而說偈言

今於佛法中 得斷諸疑網 解佛微密語

宣說法施洹

復有二万五千比丘生斯陀含想者 從諸比丘聞此偈已即從坐起乃至 和合住於佛前而說偈言

我等本深著 志樂斯陀含 今皆得離著 寂滅無戲論

復有五百億比丘生阿那含想者從 諸比丘聞此偈已即從坐起乃至和 合住於佛前而說偈言

今遭救世尊 遠離諸戲論 得言提光照 永拔諸果想

復有三万五千億得四禪比丘生阿 羅漢想者從諸比丘聞此偈已即從 坐起乃至和合住於佛前而說偈言

我已離煩惱 通達無異法 知諸乘平等 皆悉如幻法

復有二万比丘生聲聞想者從諸比 丘聞此偈已即從坐起乃至和合住 於佛前而說偈言

離縛牟尼尊 止我等虛說 密說聲聞義 我今皆通達

復有五千比丘生辟支佛想者從諸 比丘聞此偈已即從坐起乃至和合

住於佛前而說偈言

我等今現見 辟支佛所行 解佛微密義 難思辟支佛

復有一万比丘生須陀洹果想斯陀 含果想阿那含果想阿羅漢果想者 從諸比丘聞此偈已即從坐起乃至 和合住於佛前而說偈言

今知平等法 永斷女身分 佛無有異言 必成人中尊

復有八万八千優婆塞生須陀洹果 想斯陀含果想阿那含果想者從諸 比丘聞此偈已即從坐起乃至和合 住於佛前而說偈言

我等心無垢 如淨琉璃 為修佛法故 今日當出家

今時虛空中有六十億那由他諸天 以天曼陀羅華而散佛上散已住立 而說偈言

本有諸乘想 亦有諸果想 今日悉除捨 必當成菩提

今時有百千阿羅漢舍利弗大目捷 連須菩提阿泥盧頭離婆多劫賓那 等即從坐起整衣服偏袒右肩右膝

唐譯法苑珠林卷第四 若譯本

著地一心合掌皆共和合住於佛前而白佛言世尊我等今日志願滿足能降伏魔摧諸怨敵具足成就五無聞業我等今日滿足成就五欲功德我等今日邪見具足遠離正見我等今日害多百千眾生之命我等今日已違菩提即於今日無餘涅槃而般涅槃今時世尊默無所說

今時會中有百千眾生皆生疑惑我等今者如在閻中去何諸大羅漢作如是語何況凡夫以疑惑故不能從此至彼從彼至此坐不能立立不能坐今時尊者阿難知此百千眾生心之所疑亦以佛神力故問文殊師利法王子言今此大衆百千眾生聞諸大德比丘作如是語皆生疑惑世尊默然而無所說願文殊師利說其因緣此諸大德比丘以何因緣說此密語今時文殊師利法王子語尊者阿難言阿難當知此是不退轉菩薩地事唯有不退轉菩薩乃能證知此諸大德比丘密語尊者阿難問文殊師利言此諸大德比丘皆是不退轉菩薩

唐譯法苑珠林卷第四 若譯本

耶文殊師利言如是如是此諸大德比丘皆是菩薩已於菩提得不退轉阿難請文殊師利言願說諸大德比丘微密語義

文殊師利言無明能生生死是故名母斷無明故名為害母父名不正思惟及以喜愛彼以永斷名為害父以諸法不可壞方便壞衆多想亦壞諸行名為壞僧應壞凡夫法名阿羅漢以不滅方便滅羅漢名殺羅漢以不滅方便滅如來想名出佛身血如是等想已斷已害畢竟無餘阿難以是事故諸大德比丘作如是語我等今日具足成就五無聞業所以者何於此法中不聚不散不減不滿是故名為五無聞業滿足成就阿難當知彼作是說我等今日滿足成就五欲功德者彼諸比丘於此五欲了知如夢如幻如熱時炎如影如響彼於此智滿足成就而於五欲無增無減所以者何能知此法畢竟而無所有以無所有故能如寶知而於彼法得如是忍故名滿足成就五欲功德阿難

唐譯法苑珠林卷第四 若譯本

以是事故彼諸比丘作如是說我等今日滿足成就五欲功德阿難當知彼作是說我等今日滿足成就五欲功德正見者彼諸比丘知諸法邪見諸法邪阿難邪名有為諸法皆是虛妄此虛妄法猶若虛空不增不減亦不住方亦無所屬所以者何離自性故彼知是法皆志平等以平等故正見亦等彼已遠離如是等想所以者何若有等想有不等想彼諸比丘無有等想及不等想所以者何諸佛之法離一切想彼於佛法通達無生不得無生法是故阿難彼諸大德比丘作如是語我等今日具足成就邪見遠離正見阿難當知彼作是說我等今日害多百千衆生命者阿難彼諸比丘今此時會百千衆生諸天及人知有為法皆志如幻如影如響知此法故離衆生想離壽想人想離一切法想以一切法不可種方便種菩提善根諸比丘比丘尼優婆塞優婆夷從諸比丘聞此密語亦得離衆生想壽想人想不數數死所以者何若者

廣博嚴淨經卷第四 第八節 下

衆生想壽想人想則數數死彼已遠
離如是法故畢竟不生是故阿難彼
諸比丘作如是說我等今日害多百
千衆生命根阿難當知彼作是說我
等今日已逮菩提於無餘涅槃而般
涅槃者阿難彼諸比丘今此大衆百
千萬億那由他諸天及人即於今日
得離煩惱得逮菩提所以者何此諸
大衆皆發阿耨多羅三藐三菩提心
而於今日聞說金剛句法皆得無生
法忍得見菩提以是事故而作是說
我等今日逮得菩提我等今日於無
餘涅槃而般涅槃者彼不斷煩惱不
修佛法無餘煩惱是故阿難彼諸比
丘作如是說我等今日已逮菩提於
無餘涅槃界而般涅槃言今日者阿
難當知即於此日不生亦無所生故
名今日天竺正音不生
與今日音同也
是故阿難求菩薩乘者善男子善女
人發阿耨多羅三藐三菩提心者於
一切法應當漸損以不可得法發菩
提心於一切法是名為出離菩提想
於一切法是名為入無餘涅槃而般

廣博嚴淨經卷第四 九節 下

涅槃阿難求菩薩乘族姓子不應深
著日想不應以日而生晝想阿難愚
小之人以日為晝想無點慧故所以
者何若令此晝是真實是堅牢是常
住者應有積聚不應過去唯應有晝
不應有夜阿難當知有晝夜想者此
是凡小是故阿難求菩薩乘族姓子
有深心者為善知識所護不應生晝
夜想所以者何求難一切想是菩提
道故今時文殊師利法王子欲重宣
此義而說偈言
無明名為母 能生生死故 已拔其根本
是故名為害 不正觀思惟 喜憂名為父
彼皆如實知 畢竟無所有 以知無所有
而害其根本 不緣無所有 是故名為害
所說羅漢法 及與凡夫法 彼已以智壞
是故名為害 所有衆多相 已知其性相
以不可壞法 壞相多壞僧 本來所分別
如來諸法想 彼已斷遠離 知其不生滅
此想次第起 思量知是空 如所說平等
彼已能證知 所說欲功德 其名有五種
遠難此諸想 知想皆如幻 是諸比丘等
於欲無增減 於尊世師前 而作如是說

廣博嚴淨經卷第四 十節 下

知欲性皆空 猶如夢所見 畢竟無所生
於此智得滿 以邪智知法 虛偽不牢固
邪名為虛妄 於此智得滿 有為法虛妄
而無有遠近 無知無近遠 如五指摩空
彼說諸正見 皆見是平等 如諸法平等
知見等亦然 凡小多分別 衆生想故死
若不得衆生 亦無有死想 有緣諸衆生
除其計壽想 知計壽過患 除其如是想
遠離衆生想 及與計壽想 彼作如是說
害多衆生命 已遠離死想 這無分別法
知不壞菩提 不增無果報 死生不可聚
覺了清淨法 一切法無諍 不生常寂滅
不應分別晝 亦不分別夜 於不來去法
而求於菩提 凡小恒分別 以日用為晝
欲求菩提者 莫作是分別 彼以是密語
宣說如是法 以知此法故 能作如是說
文殊師利法王子說此偈已今時會
中百千衆生已拔絛箭無復絛感遠
大照明於諸法中得無生法忍各自
脫身所著上服以奉文殊師利法王
子皆作是言願使我等於未來世說
是妙法覺悟衆生如今文殊師利法
王子覺悟衆生今時世尊告文殊師

佛說廣博嚴淨不退轉輪經

第一八冊

二八三

佛傳最淨經第四卷 第二十二 水

利言善哉善哉文殊師利除衆生疑
照明佛法法應如是今時阿難白佛
言世尊今此百十衆生所有疑前非
是世尊所拔斷耶佛告阿難今此百
十衆生皆是文殊師利本所教化成
就善提聞彼說法皆能信解阿難白
佛言是諸衆生皆於善提不退轉耶
佛告阿難如是如是是諸衆生已於
善提而不退轉所以者何為文殊師
利善知識所護念故

今時阿難白佛言世尊此諸比丘生
堅信想生堅法想生八人想生須陀
洹想生斯陀含想生阿那含想生阿
羅漢想生聲聞想生辟支佛想者皆
於善提不退轉耶佛告阿難是慶難
信樂小法者懶懈慳急不勤精進貪
著飲食貪著欲滌親近樂行欲滌法
者好喜談說無益之語亂心失念不
具威儀心意躁擾不攝諸根輕躁嬉
戲愚恨多語如是衆生信是法難阿
難著增上慢不能護身貪著身命遠
閑居處捨多聞法破戒憍慢毀法竊
法不尊重法毀滅正法貧窮法財喜

佛傳最淨經第四卷 第二十二 水

樂非法誹謗正法樂行非法不知恩
報恩不敬佛法僧阿難如是衆生信
是法難慳心堅著惡戒瞋心不解佛
法成就惡慧貧窮智慧惡友所護遠
離善友不為般若波羅蜜所護不為
諸陀羅尼經王所護起有得見深重
利養貪著衣鉢於衣鉢物極生重心
不尊重和上阿闍梨於初夜後夜不
勤行方便阿難如是衆生信是法難
殺生偷盜邪淫妄語兩舌惡口說非
時語貪瞋邪見親近邪見修行廣布
邪方便法無慚無悔朋黨交遊獨行
無伴離沙門法行非沙門法不信空
無相無作無為不生不滅一切諸法
非破壞相阿難當知如是衆生信是
法難今時世尊說是語已即便默然
今時阿難承佛威神問文殊師利法
王子言文殊師利世尊何故默無所
說文殊師利言將來惡世衆生成就
如是惡不善法不能信解如是深法
以是事故世尊默然尊者阿難問文
殊師利言來世衆生少有信解如是
法不文殊師利言來世衆生三

今時阿難白佛言世尊此諸比丘生
堅信想生堅法想生八人想生須陀
洹想生斯陀含想生阿那含想生阿
羅漢想生聲聞想生辟支佛想者皆
於善提不退轉耶佛告阿難是慶難
信樂小法者懶懈慳急不勤精進貪
著飲食貪著欲滌親近樂行欲滌法
者好喜談說無益之語亂心失念不
具威儀心意躁擾不攝諸根輕躁嬉
戲愚恨多語如是衆生信是法難阿
難著增上慢不能護身貪著身命遠
閑居處捨多聞法破戒憍慢毀法竊
法不尊重法毀滅正法貧窮法財喜

法華經疏卷第十 水

者甚少猶如衆生不識珍寶者多識
者甚少所以者何非其智力所及阿
難衆生亦今聞說此法信解者少設
有信解如是法者不為國土城村人
民所敬國土人民咸共輕賤而遠離
之所以者何此人先世作法留難業
因緣故今受此報阿難請文殊師利
言惟願為此少信解衆生敷演此義
文殊師利言此事問佛佛當演說今
時阿難即便問佛

今時阿難白佛言世尊此諸比丘生
堅信想生堅法想生八人想生須陀
洹想生斯陀含想生阿那含想生阿
羅漢想生聲聞想生辟支佛想者皆
於善提不退轉耶佛告阿難是慶難
信樂小法者懶懈慳急不勤精進貪
著飲食貪著欲滌親近樂行欲滌法
者好喜談說無益之語亂心失念不
具威儀心意躁擾不攝諸根輕躁嬉
戲愚恨多語如是衆生信是法難阿
難著增上慢不能護身貪著身命遠
閑居處捨多聞法破戒憍慢毀法竊
法不尊重法毀滅正法貧窮法財喜

世尊誠實說于戒定忍辱憐愍饒益
慈悲喜捨一切智果所得舌相是故
世尊唯願為此少信眾生族姓男女
敷演此義因是事故諸不信者以此
證知皆令得信

今時世尊告阿難言今此四眾諸未
會者比丘比丘尼優婆塞優婆夷天
龍夜叉乾闥婆阿修羅迦樓羅緊那
羅摩睺羅伽人非人等聞說此法者
皆於阿耨多羅三藐三菩提不退轉
漸次修行當得阿耨多羅三藐三菩
提即於此處宣說是法無有增減如
我今日等無有異今時四眾比丘比
丘尼優婆塞優婆夷天龍夜叉乾闥
婆阿修羅迦樓羅緊那羅摩睺羅伽
人非人等皆大歡喜踊躍無量其中
或有以衣散佛者或以華者或以諸
珍寶所謂須臾那馬瑙瑠璃琥珀
瑪瑙梨瑠璃車渠瑠璃馬瑙瑠璃日
光寶瑠璃七寶瑠璃以如是等瑠璃而散
佛上諸天以曼陀羅華摩訶曼陀羅
華波流沙華摩訶波流沙華曼殊沙
華摩訶曼殊沙華迦勒鞞華摩訶

佛說廣博嚴淨不退轉輪經

迦勒鞞華等盧遮那華摩訶盧遮
摩華摩訶盧遮那華摩訶輪婆摩祇
華如是等諸華散佛上復以天優
鉢羅華波頭摩華栴檀華分陀利
華而散佛上於虛空中作天伎樂種
種歌頌讚歎佛德諸龍王等皆雨真
珠散於佛上一切女人即脫身上妙
好瓔珞以散佛上脫身上服以用奉
佛即發衣服右膝著地一心合掌住
於佛前皆共和合而作是言諸佛如
來言無有二智無障尊記說我等心
當作佛

今時世尊告阿難言如是阿難是諸
女人必亦阿耨多羅三藐三菩提不
退轉所以者何諸佛世尊永斷愚癡
貪取瞋恚及諸煩惱塵垢黑闇一切
塗炭燒燃煩惱永盡無餘成就精進
成就諸力威德莊嚴神足自在光明
照曜卷展成就究竟威勢色族姓處
皆悉具足相好具足光明具足到安
隱處如釋如梵如欲界中尊威儀具
足戒行具足觀察具足天龍夜叉乾
闥婆阿修羅迦樓羅緊那羅摩睺羅

伽人非人等皆共尊重恭敬讚歎不
捨世法永捨一切諸有為法成就解
脫諸佛之法見聞不虛阿難白佛言
世尊云何諸佛世尊聞不虛耶
佛告阿難汝不知耶阿難白佛言世
尊實所未知唯願說之云何如來聞
不虛耶

佛告阿難一心善聽吾今解說阿難
當知若有眾生已聞今聞當聞釋迦
牟尼佛名者是諸眾生皆於阿耨多
羅三藐三菩提不退轉所以者何諸
佛菩提無虛妄故亦無貪欲及以瞋
恚阿難何況今日現於我前能以一
華散我上者若有眾生我泥洹後形
像舍利能持一華以供養者如是眾
生亦於阿耨多羅三藐三菩提不退
轉阿難白佛若有畜生聞釋迦牟尼
佛名者皆於阿耨多羅三藐三菩提
不退轉耶佛告阿難若有畜生聞釋
迦牟尼佛名者是諸眾生皆種阿耨
多羅三藐三菩提種子因緣所以者
何諸佛如來其有聞者聞必不虛是
故諸佛如來言無有二阿難譬知足

第一八冊

二八五

廣博嚴淨經卷第 卷上 衆大

拘陀樹枝葉茂盛能陰百人至五百人阿難於意云何其樹種子為大小耶阿難白佛言世尊其子甚小佛告阿難是尼拘陀樹種子雖小得地水火風虛空衆緣故而得生長漸次廣大如是阿難彼諸衆生種菩提種子漸次增長當成阿耨多羅三藐三菩提而不可腐敗不可敗壞所以者何以不住一切法作種子故而不腐敗亦無毀壞

尔時阿難白佛言世尊為是諸佛本願之力為是諸佛法應尔耶佛告阿難是我本願若有聞我名者必不退轉阿耨多羅三藐三菩提亦是諸佛法應如是所以者何一切諸佛法皆等故阿難白佛若諸佛法等以何緣故立誓願耶佛告阿難諸佛世尊宣說法時會中諸菩薩摩訶薩聞佛說法即立誓願使我將來成佛說法見聞不虛亦復如是尔時阿難白佛言甚奇世尊成就如此希有之法復以此法利益衆生佛告阿難如是如是如汝所說我為利益諸衆生故遍諸

廣博嚴淨經卷第 卷中 衆大

佛土供養諸佛不惜身命捨一切物無有慳慳勤修精進積集難得無所依倚菩提之道於一切法而無所取以攝衆生

廣博嚴淨經卷第四

癸卯歲高麗國大藏都監奉
初彫造

佛說廣博嚴淨不退轉輪經卷第五 木

宋涼州沙門智嚴譯

尔時阿難白佛言世尊甚為希有魔王波旬聞說此經不作留難佛告阿難以不聞故不作留難所以者何文殊師利法王子以神力隱蔽令不得聞故無留難尔時文殊師利法王子還攝神力惡魔波旬即於夢中聞說新異不退轉法輪亦聞稱釋迦牟尼佛名即便驚悟愁憂恐怖身毛皆豎即從牀上自投於地作如是言先降伏今不伏我先所領土今不屬我愁憂苦惱發聲啼哭以愁憂苦惱發聲啼哭故身形老瘦猶如百歲老人尔時惡魔波旬將四種兵及三千大千世界所有魔天來詣佛所猶如菩薩坐道樹時魔嚴兵衆來詣佛所亦復如是尔時惡魔波旬身形老劣如百歲人頭低脊腰行步遲重喘息短氣舉身戰掉扶杖而行來詣佛所當魔波旬來詣佛時於虛空中所將眷屬四種兵衆聞說不退轉法輪亦聞

釋迦牟尼佛名時四種兵及諸眷屬自然而住不能得前生如是念我等不復隨從波旬爾時波旬單獨羸老白佛言乃至不留一人扶接我者本降伏者今不伏我先所領土今不屬我世尊憐愍一切衆生我今亦在衆生數中而不垂愍乃至不留一人授我水者爾時世尊告波旬言衆生界多是無盡法波旬當知假令日日恒河沙等諸佛出世一一諸佛於日中度恒河沙衆生令般涅槃而衆生界猶不可盡時魔波旬復白佛言衆生界雖不可盡如我今者單獨羸老在道行時若其躑躅乃至無有扶接我者唯願世尊安慰我意令我歡喜速得還去佛告波旬且安意去若有衆生不信不解不退法者是諸衆生皆屬於汝是汝眷屬汝得自在一切皆是扶接汝者爾時波旬聞是語已歡喜踊躍作如是言我今當為衆生作諸留難令於此法不信不解生於疑惑生疑惑故當屬於我我得自在爾時波旬復白佛言唯願世尊重安

慰我令我歡喜而得還去佛自說言若有衆生聞我名者皆於阿耨多羅三藐三菩提而不退轉從今已往更莫復說所以者何若有衆生聞此語已勤行精進求佛菩提爾時世尊告波旬言汝安意去我當令諸衆生乃至無有住菩提者亦復無有出衆生界者無有衆生離色陰者離受想行識陰者波旬且安意去我常令諸衆生無有離身見者離戒取見者離有所得者離六十二見者離過去未來現在想者離然生者離不與取邪淫者離妄語綺語惡口兩舌者離貪恚邪見者波旬且安意去我不教衆生而行布施持戒忍辱精進禪定智慧亦不教衆生行四攝法不令衆生離衆生想離堅著想離父母想離兄弟姊妹男女想離晝夜想離半月一月一年想離布施持戒忍辱精進禪定智慧想菩提心想力無畏想根力覺道想佛法僧想障菩提想一切種智想波旬汝且安意去我當令衆生於一切法無遠難想爾時波旬歡喜踊躍拔愁

憂箭即於是處還復本形以諸天花而散佛上遶佛三匝住於佛前而說偈言
今日兩足尊 說此微妙音 佛無有二言 令我大歡喜
時魔波旬說此偈已歡喜安意漸離佛去還本天宮皆共和合受五欲樂以自娛樂更不復生留難之心說此降伏遣魔法時大地六種震動阿難白佛言世尊以何因緣大地震動佛告阿難說此降伏遣魔法時六萬四千菩薩於諸法中得無生法忍阿難白佛言世尊今此會中頗有疑惑是法者不佛告阿難今此會中有十億衆生皆生疑惑心意迷悶作如是說為是何語將非我等錯謬聞耶以是事故不知時方亦不自知從何所來欲至何所以疑惑故各不相見阿難白佛唯願世尊以慈悲心為此衆生速作照明莫令此衆懷疑惑故墮於惡趣以何因緣而作是說惡魔波旬且安意去我不令衆生住於菩提乃至波旬且安意去我不令衆生於一

廣傳般若經第三卷 第五疏 本

切法無遠離想唯願世尊為此眾生速作照明亦令將來眾生速照明故受持此法而不忘失願分別說今時世尊便說偈言

菩提無住相 亦無能住者 是故說眾生無住菩提者 菩提與眾生 無二無有異是故說眾生 無住菩提者 亦無有眾生能離眾生界 無所有不生 畢竟不可得難思眾生界 其性本自空 假令一切智不見其離想 我所說諸陰 無眾生能離此陰與眾生 無異常寂滅 已知陰是空而不離其性 說其體是一 不可取而離已能知諸陰 不取不可離 無我無自性畢竟無所依 諸陰如虛空 陰所行亦不行無所行故 說陰如虛空 如說虛空界非生非能生 陰性亦如是 無有能離者身見自性相 無法而可得 以不可得故我說不可離 疑無有自性 畢竟不可得不得離故 眾生無能離 無有諸眾生能持選擇戒 見取諸眾生 亦復不可得計有得法者 眾生不可得 有得法無心不離於自性 如所說諸見 凡有六十二如是等諸見 皆如水中影 已知此諸見

法華經疏第三卷 第六疏 本

皆如水中影 無我無所有 自性不可得過三未來想 及與現在想 此想無所有亦如水中影 此想無有我 眾生不可得不得離眾生 是故不可離 然害諸眾生必趣嶮惡處 安置涅槃中 無有能動者眾生若可得 可有離動相 眾生無有實故說不可離 菩提名不與 未曾有與者雖勤作方便 而無動離者 不行施眾生修行勝法施 雖勤作方便 而無動離者亦不得眾生 依倚婬欲者 欲中無有邪可與非邪合 妄語諸眾生 有緣者應化雖勤作方便 而無動離者 兩舌與惡口及以非時言 如是等言說 如響令人惑此法無處所 亦不可染著 此諸聲如響知其無所依 本所有無明 深計著於我以知我真實 無能動離者 亦能知瞋恚畢竟無有相 菩提無相故 無能動離者若能知邪見 是名為正見 以過著見法無能動離者 不教諸眾生 而以女色施賢聖所禁制 是施有過患 邪見所持戒聖道所捐棄 智者不應教 以此求聖法外道所稱讚 種種諸忍相 此忍非正道令人到涅槃 外道所稱讚 五熱精進法

法華經疏第五卷 第六疏 本

不能至菩提 智者應捨離 外道諸禪定蓋行諸有想 非諸佛所讚 是以不教他不用世俗慧 教化諸眾生 此慧不能得不思議佛慧 於清淨眾生 成就無畏者我說於是眾 不行四攝法 深敬念佛者不教離是著 佛有無染智 亦無諸障障深敬念法者 不教離是著 離欲取勝法去何而可離 不著眾生想 而發菩提心菩提不可著 去何而得離 父母及兄弟姊妹男女想 此想皆如幻 去何而可離此想一切處 無法無所有 無法無有故去何而可離 晝想及夜想 半月一月想此想無真實 如熱時炎水 施想與戒想忍辱精進想 此想非真想 去何以想離定想及慧想 菩提心之想 力無畏諸根是想皆虛誑 諸覺及道想 佛想與法想皆從無知起 去何離此想 分別諸僧想此想亦眾多 從分別起故 我說不可離不著菩提想 及一切智想 此想遠諸佛不識菩提 以是故我說 波旬無智人不離此諸想 而遠求菩提 諸法及菩提皆志知如如 宣說不離義 去魔憂惱心世尊決定說此降伏遠魔法時會中

十億衆生拔猶豫箭無復疑惑速大
照明於諸法中得無生法忍會中十
億衆生皆共和合住於佛前而說偈言
不思議佛道 今我以證知佛是導世師
除斷我疑心 以速大照明 安住佛法中
諸方明淨故 得見一億佛 亦得見其法
知色等不生 遭遇救世師 得淨如是智
亦得見一億 諸佛嚴淨土 無上導世師
皆悉住其中

今時十億衆生說此偈已脫身所著
上妙之服為供養法歡喜奉佛作如
是言願令此法流布一切衆生皆得
耳聞今時阿難白佛言世尊若有衆
生聞是降伏遺魔法者能信能解不
生疑惑是善男子善女人得幾所福
佛告阿難若善男子善女人聞此降
伏遺魔法一經耳能信能解不疑惑
若功德甚多不可限量阿難白佛言
其所得福可以方喻知不佛告阿難
若善男子善女人於日初分供養百
千諸佛於日中分供養百千諸佛於
日後分供養百千諸佛尊重讚歎以
上妙房舍一切所須皆悉充足經百

千劫是善男子善女人所得功德寧
為多不阿難白佛言世尊甚多甚多
不可限量難以喻知佛告阿難若善
男子善女人聞此降伏遺魔法一經
耳能信能解不疑惑者其福勝彼
今時虛空中有三善男子求菩薩乘
自然而現漸漸而來各各執持千大
蓮花其花高廣踰須弥山有百千萬
億葉出百千萬億光色今時尊者阿
難及諸時會皆共遙見三善男子求
菩薩乘者漸漸而來見已生希有心
今時阿難白佛言世尊此善男子為
從何來佛告阿難東方過恒河沙佛
土有世界名花高須弥山此善男子
於彼世界聞說此法及上目緣以是
故來阿難白佛彼世界佛名号何等
佛告阿難彼佛名華高須弥山王如
來等正覺今現在說法今時三善男
子求菩薩乘者前詣釋迦牟尼佛頭
面礼足右遶三匝右膝著地一心合
掌以所執華而散佛上作如是言世
尊我等今於此法能信能解不生疑
惑所以者何我等於此法中無有疑

惑猶如如來今時第一善男子求菩
薩乘者白佛言世尊若作是說我是
如來此言便是正說所以者何我於
此法不生疑惑故今時第二善男子
求菩薩乘者白佛言世尊若作是說
我是世尊此言便是正說所以者何
我於此法不生疑惑故今時第三善
男子求菩薩乘者白佛言世尊若作
是說我是佛此言便是正說所以者
何我於此法不生疑惑故
今時會中百千衆生心皆擾動不安
本坐作是念無有二佛並出世間今
此善男子以何等故發如是言作是
念已展轉相語且共默然世尊在座
自當解說此諸菩薩如是語義今時
阿難白佛言世尊此諸菩薩名字何
等乃能作是大師子吼佛告阿難其
一菩薩名樂求如來音聲第二菩薩
名樂求世尊音聲第三菩薩名樂求
佛音聲阿難當知以是緣故彼菩薩
摩訶薩作如是說阿難白佛言世尊
今此會中有百千衆生心皆擾動作
是念無有二佛並出世間以何緣故

廣博嚴淨經第五卷 第十二紙 本

彼作是說唯願如來敷演其義今以大衆心不擾動所種善根增益明淨世尊如人澡浴嚴治髮爪膚色鮮淨復以赤梅檀水更浴其身膚色鮮淨倍勝於前世尊是諸衆生亦復如是若聞說是語義所種善根增益明淨倍勝於前介時世尊即說偈言

皆共一心聽我說是語義何故名如來世尊及佛耶能知過去如亦知未來如見一切法如是故名如來如先昔諸佛行不思議我亦行此施是故作是說如先昔諸佛求無依倚道我亦如是求是故名如來不住一切法求寂靜菩提亦不得菩提是故名如來如昔諸菩薩勤苦行忍辱我亦行是忍能到忍彼岸如我昔精進勤求於菩提彼亦勤精進是故名如來彼已能通達諸法平等相亦不生心念是故名如來不念一切法其性常平等知此平等已而無差別心已能通達此如如平等定通達此定故是故名如來所說一切法各自有性相已知此性相畢竟常寂然知相名為慧知虛名為智若能知衆生名到慧彼岸

廣博嚴淨經第五卷 第十三紙 本

如先昔智者智慧到彼岸亦不得此慧到彼岸寂然彼亦得此慧而到於彼岸不得此慧故是故名如來不得菩提如其性相難議不得一切法是故名如來已能速無著不著如如來不著一切法通無著道故如先導世師能知見正道此道真實相未曾有始終彼亦如是修寂勝無上道此道無始終性空無所有知道無始終諸法皆平等亦知如平等是故名如來道如菩提如及與不住如知如如虛空是故名如來我所說諸法其如常平等若能見此如應當求菩提阿難以是事彼作如是說如說能修行彼亦如是行若能行是行能作如是說知是不退轉無畏諸菩薩阿難應當知無畏諸菩薩能作如是說自言是如來阿難白佛言世尊以何因緣得何等法名世尊耶介時世尊便說偈言

皆共一心聽於百千億劫求如是菩提無量難思議為諸衆生故求如是菩提未曾有怖畏是故名世尊不畏於生死正住生死中化度諸衆生是故名世尊去何不怖畏去何住生死去何度衆生

廣博嚴淨經第五卷 第十四紙 本

去何名世尊生死無有法而可破壞者不牢不破壞以此度衆生是名不怖畏是名住生死是名度衆生是名為世尊知諸法虛空而無怯弱心宣說諸法相而無所怖畏已斷諸怖畏遠離諸難處不畏難處故度難處衆生度多億衆生過生死險難亦不得生死及所度衆生安置諸衆生寂靜涅槃岸亦不得衆生是名為世尊恒為諸衆生說如虛空法未曾生怖畏是名為世尊法性無差別說有種種名平等如菩提菩提不可得教導諸衆生今趣向菩提雖教如是法未曾有所說不可說而說度脫多衆生無畏無所取是故名世尊遠離一切想能修菩提相已過一切想是名為世尊已能滅諸想煩惱無有餘以是故得稱名之為世尊以慧觀諸法知諸法平等常不求少法是故名世尊不重於名譽亦不求名譽恒為諸衆生說離名譽法菩提離名譽彼亦如是求若有重名譽是名遠菩提是聲猶如響分別故多種橫生諸分別我有如是名不著一切聲亦不依倚名無戲論菩提是名為世尊

亦不依倚名無戲論菩提是名為世尊

知如是諸法名之為世尊亦不得菩提
是故名世尊知如是諸法而無有所著
求如是菩提解脫無有漏阿難以是事
及諸餘回緣菩薩摩訶薩自言是世尊
阿難白佛言世尊以何回緣得何等
法名為佛耶尔時世尊便說偈言
覺知一切法此法無所有已覺無有法
是故名為佛覺了諸煩惱不令得自在
以智離煩惱是故名為佛能覺此身空
此身無所屬此身不牢固牢固不可得
愚於不牢身而生堅牢想彼如實覺知
是故名為佛覺無明無智自性無所有
已得於明智是故名為佛所有過去想
覺知是無想知想無相故更不隨此相
修未來諸想現在想亦然已修一切想
是故名為佛覺知色前際未曾有生起
凡小雖分別不能令色生覺受無根本
根本不可得於一切法中亦無有受者
知想猶如幻其性無所有於一切法中
不為想所累知行不能作種種諸身相
身空行亦空是故無所作知行及與身
猶如芭蕉樹如實能覺知是故名為佛
觀識之實性亦不在身內亦不在身外

而可有是識於一切法中識性不可得
而於此身中無形無處所能如是知識
識性無所有無想猶如幻未曾見識生
於一切法中無有見識者一切眾生性
未曾有作者眾生無作者諸法畢竟然
若法若眾生無有未去相覺一切諸法
畢竟無有相無分別戲論是故名為佛
如諸佛不住佛法大乘不住一切法
是故名為佛如如諸法如諸佛不住如
佛如菩提如是言不可得為求菩提故
應發如是心能覺此心相少法不可得
為求菩提故應發如是心此心菩提等
亦覺知如幻阿難以是事彼作如是說
自言我是佛如佛導世師以佛之名聲
說如是等法若有住此法盡應求菩提
若有知此法是則近菩提於一切法中
不生諸疑惑於諸法無疑必為世間上
已知此法故能解空語義
尔時世尊說如來世尊佛名已是時
會中百千象生白佛言世尊我等無
復疑網速大照明得解菩薩摩訶薩
名為如來世尊佛義以一切法不可
得故於諸法中速得法忍如來今者

猶如父母矜接我等不令我等心有
擾動亦得覺知不擾動法猶如虛空
不可擾動所以者何我等今者覺一
切法猶如虛空無擾動故尔時會中
百千象生頭面礼佛右遶三匝去佛
不遠默然而坐
尔時會中有菩薩摩訶薩名常笑諸
根清淨即從坐起以種種華而散佛
上即說偈言
象生多果想能解彼果想離果得具足
故礼世間智象生貪著果行種種果名
唯佛能除解故礼世間智宣說果平等
而以覺悟他說果是假名故礼世間智
宣說平等法住平等法中覺一切法等
故礼世間智象生得果想除此有得心
唯佛能除斷故礼世間智具知果寂滅
不住種種果諸佛善密語故礼世間智
尔時常笑諸根清淨菩薩摩訶薩說
是偈已讚歎世尊頭面礼足右遶三
匝去佛不遠一心觀佛目不雙眴歡
喜而住
尔時會中有菩薩摩訶薩名蓮花德
藏即從坐起以花散佛說此偈言

廣博嚴淨經第五卷 第七十條

木

衆生多有想能解此有心離怖無所取
故礼牟尼尊於諸有寂靜說無所有法
遠離一切有故礼牟尼尊知有是空無
其性無有我以遠離有畏故礼牟尼尊
遠離諸憂感能拔憂感者永斷諸繫縛
故礼牟尼尊

尔時蓮華德藏菩薩摩訶薩說此偈

已讚歎世尊復更說偈而白佛言

於後惡世中若有聞此經不生怖畏者

皆應合掌礼

尔時無垢意菩薩摩訶薩即於佛前

而說偈言

若有聞此經不生疑惑者於一切時中

應以衆花散

尔時廣思惟菩薩摩訶薩即於佛前

而說偈言

此經中廣說無量諸佛法衆生聞是法

不疑惑者少貪著於己身生種種身想

得聞如是經方是顛倒說當知屬於魔

為魔所拘持無智聞此經返更全疑惑

尔時青蓮華目菩薩摩訶薩即於佛

前而說偈言

若有聞此經不生疑惑者猶如世間眼

亦名施眼者

廣博嚴淨經第五卷 第六十條

木

尔時樂供養塔菩薩摩訶薩即於佛

前而說偈言

若有聞此經深生信樂者此人處世間

猶如取上塔

尔時渴仰意菩薩摩訶薩即於佛前

而說偈言

雖在生死中應數生渴仰不著一切法

能不疑此經

尔時樂以衣施菩薩摩訶薩即於佛

前而說偈言

應以多優衣細軟而平正以供覆其身

不疑此法者

尔時樂以食施菩薩摩訶薩即於佛

前而說偈言

所說諸餽饈味中取上者應以供其人

不疑此法者

尔時悲念樂見衆生菩薩摩訶薩即

於佛前而說偈言

非念諸衆生應數數涕泣而於此經中

無有信樂意若人少時聞疑惑於此經

當知地獄來還趣向地獄親近惡知識

不解是深法無明網所覆不向此妙趣

廣博嚴淨經第五卷 第七十九條

木

破戒自纏裹惡意好求短貪著於利養

能誹謗是經不勤求菩提懈怠不精進

惡慧樂小法不信解是經貪利養衆生

計我隨愛欲深著於三世不能信是經

愚很惡心性涼愛盲無智好樂多談說

而不信是經好選擇衣服貪味嗜飲食

少於白法者能誹謗是經著果諸衆生

好說者果法解佛微密語如是者甚難

過去先昔佛無上導世師盡能供養者

能信解是經

尔時速離惡法菩薩摩訶薩即於佛

前而說偈言

愚心貪著果能誹謗是經應遠離是人

猶如臭糞穢亦如爛死屍行者皆速避

謗此經衆生皆應常遠離猶如劫村賊

住大曠野中聞者皆馳走恐為我作難

應如是馳走遠離是惡賊瞋恚懷惡意

誹謗是經者

廣博嚴淨經卷第五

王寅歲高麗國大藏都監奉

勅彫造

佛說廣博嚴淨不退轉輪經卷第六

東漢州沙門智嚴譯

木
亦時阿難白佛言世尊甚為希有是諸菩薩摩訶薩決定善說菩提之法世尊為是自三昧力為是佛威神力為是此經三昧力能作是說耶佛告阿難是諸善男子曾於六十億那由他諸佛所聞說是經無有增減如我今者說微密語等無有異彼不以三昧力故能作是說所以者何彼於此經現見通達故亦時阿難白佛言世尊若有聞此經能信能解不生疑惑者世尊是善男子善女人得幾阿福佛告阿難若善男子善女人欲求阿耨多羅三藐三菩提以滿閻浮提七寶施諸如來若有善男子善女人得聞是經信解不疑阿難當知其所得福甚多其多阿難置閻浮提假使以恒河沙世界滿中七寶施諸如來若有得聞此經信解不疑其福勝彼亦時世尊欲重宣此義而說偈言
若以閻浮提滿中七寶施奉諸佛如來

○佛說廣博嚴淨不退轉輪經

廣博嚴淨經卷第六 第三十
慈悲導世者亦如恒河沙數等諸世界滿中諸珍寶以奉上諸佛若有聞此經能信能解者亦不生疑惑其福勝於彼亦時阿難白佛言世尊若有善男子善女人得聞是經能信能解能信解已復能受持讀誦通利是善男子善女人得幾阿福佛告阿難若善男子善女人求阿耨多羅三藐三菩提遠離是經於百劫中行檀波羅蜜奉施諸佛如是於百劫中護戒忍辱精進禪定起五神通修行智慧以速離此經故不如善男子善女人得聞是經信解不疑受持讀誦志今通利其福勝彼亦時世尊欲重宣此義而說偈言
若滿百劫中以種種餽餽以供導世師未名供養佛若能持此經是名供養佛諸佛教法故是無上恭敬若滿百劫中以種種衣散救世大精進未名供養佛若能持此經是取勝供養是名供養佛勝前以衣施若滿百劫中以種種華散救世大精進未名供養佛欲以寂勝供養諸佛者應當持此經不染著諸果此供是大供諸供中取上若能持此經

廣博嚴淨經卷第六 第三十一
而不計於我若滿百劫中堅固守淨戒若不持此經彼皆無名稱若能持此經此戒有名稱於諸戒中上勝先行戒施雖有純淨戒無量難思議應當常勤求受持如是經如此經中說善修戒行者不名為惡戒亦不名破戒若持此經戒名持菩提戒持菩提定戒具足無作戒如是等諸戒皆於此經說若能持此經具足一切戒若人滿百劫能行大忍辱衆生惡口罵其心皆能忍若截其手足其身不擾動未曾起惡心瞋恨於他人行如是忍辱如忍辱仙人雖經百劫中其忍不為上若有聞此經信解能堪忍是忍名為上是忍名賢善是忍名取勝是忍無有上若能持此經而無所染者欲求無染者諸佛無上智不應生染者速受持此經若滿百劫中常立不坐卧除却諸睡眠勤行大精進智者勤精進流布如是經是人到無畏勝彼大精進若滿百劫中能起五神通不得聞此經其智不為上若能持是經通達無依義於諸神通中是神通取上若滿百劫中修行諸智慧此慧是世間分別世間法

第一八冊

二九三

若不學此經唐海東通志卷之三十三不名為明慧若若能學是經是名堅固慧若有聞此經信樂無有上是人名為慧亦名通達者欲以如是慧能知諸法如應宣說此經當得如是慧慧者所行法皆此經中說應當勤精進受持於此經

尔時阿難即於佛前而說偈言
 應往一由旬乃至百由旬聽受如是經
 能捨離諸累設有大火坑縱廣一由旬
 智者從中往聽受如是經欲得諸聖戒
 於諸戒中上應流布是經能淨於戒身
 欲得諸聖禪於諸禪中上應流布是經
 燒一切煩惱欲得諸聖慧於諸慧中上
 應流布是經能淨諸法界欲往詣諸方
 嚴淨諸世界其界名喜樂應流布是經
 欲見阿闍佛諸牟尼中尊應當持是經
 廣為衆生說若欲淨苦蘊種種之所行
 應流布是經得往安樂界得見弥勒佛
 光明不可議應流布是經諸佛之所說
 尔時世尊告阿難言善哉善哉如汝
 所言所以者何若善男子善女人以
 不散心讀誦此經為他解說欲見諸
 佛即皆得見若以散亂心讀誦此經

為他解說其人命欲終時眼見百千
 諸佛所以者何一切諸佛皆守護是
 善男子善女人故尔時會中有一童
 女名曰師子與五百童女俱即從坐
 起偏袒右肩右膝著地一心合掌白
 佛言若有女人受持此經讀誦通利
 有何功德尔時世尊告師子言若有
 女人欲求阿耨多羅三藐三菩提受
 持是經讀誦通利當知是身取身後
 邊所以者何若有女人以不散亂心
 受持是經讀誦通利所有煩惱受女
 人身者不現在前師子白佛言世尊
 何等煩惱能受女身佛告師子九諸
 女人見他女人形容端正以金銀珠
 寶種種珠璣嚴飾其身受衆快樂見
 已生愛著心不能如實觀察此身但
 是糞聚臭穢不淨假以綠色象香塗
 熏惑愚者眼便生染著起諸煩惱故
 受女身復次師子女人之性多諸慳
 嫉言說時異心思時異現前語異屏
 慶語異為氣味故有諸女人不為正法
 願志所弊睡眠所蓋樂喜談說以是
 緣故不能受持此經又於晝夜多染

行心少出要心成就如是諸惱心故
 恒受女身不能令止是故師子若女
 人欲不起煩惱不受女身者應當受
 持讀誦此經為他解說所以者何此
 經能除女人諸煩惱故師子復白佛
 言世尊若有女人不為離女身受持
 此經讀誦通利者當受女身不佛告
 師子若有女人雖不為離女身受持
 此經讀誦通利當知此身取後邊
 除其神足現女身者師子辟如有人
 投大火聚而作是言莫燒我身燒我
 膚色於意云何是人所謂得福意不
 師子白佛言不也世尊所以者何
 火性壞人形色佛告師子此經亦
 能燒諸煩惱令無有餘是故師子若有
 女人欲不受女身欲速得一切佛法
 欲得見無量無邊諸佛欲得無閻辨
 才欲以慈心遍緣一切衆生者應受
 持此經讀誦通利為他解說尔時師
 子及五百童女白佛言世尊我等於
 燃燈佛所受持是經如是展轉至于
 今日

尔時阿難白佛言世尊是師子童女

應持戒律經卷之六 第六本

未盡女身分耶佛告阿難於意云何
汝謂師子是女人耶阿難白佛言如
是世尊佛告阿難其作是言所以者
何是師子及五百童女以神通力現
為女身憐愍饒益未來世中諸女人
故所以者何一切男子不得隨意入
諸家中是故阿難師子童女以神通
力現受女身而此女人無女人法無
男子法無非男非女法所以者何女
人法男子法非男非女法不可得故
阿難是師子於此法中不得一切法
成就法忍速大照明是故阿難一切
女人應當隨學如師子童女受持是
經讀誦通利為他解說今時會中有
五千比丘尼即從坐起偏袒右肩右
膝著地一心合掌白佛言世尊我從
今日受持是經讀誦通利為他解說
所以者何我不願樂更受女身受持
是經若不究竟讀誦通利終不坐卧
亦不睡眠佛告諸比丘尼善哉善哉
作如是言發大莊嚴而自在嚴以大
猜進而自猜進所以者何汝等不樂女
身樂求佛法是故汝等倍加猜進堅心

○佛說廣博嚴淨不退轉輪經

應持戒律經卷之六 第六本

受持讀誦是經悉不通利為他解說當
知汝等所受女身家是後邊今時諸比
丘尼聞佛所說歡喜踊躍各各脫身
所著鬘多羅僧以散佛上而說偈言
佛無有二語 必成男子身 說我等作佛
我志願滿足

今時會中有五千居士婦從諸比丘
尼聞是偈已即從坐起偏袒右肩右
膝著地一心合掌白佛言世尊我等今
者受持是經讀誦通利為他解說所以
者何我等今者欲得遠離不自在身
視人顏色猶如婢妾女人之身雖生
王家長養令大姊與他三不得自在
盡其形壽奉事其夫懷妊十月受種
種苦以是事故我等從今勤加猜進
受持是經為他解說受一食法奉持
齋戒脇不觸地乃至奪命誓不與夫
携手親近要當受持讀誦是經今時
世尊告諸居士婦言善哉善哉諸善
女人快說此言汝等從今更不屬他
常得自在不視他顏色無懷妊苦不
更虞胎生無媿欲無女人屢諸佛世
界今時阿難白佛言世尊此諸姊等

應持戒律經卷之六 第六本

所生之處世界何名佛号何等佛告
阿難世界名泉寶華光佛号放眾寶
摩尼王光如来等正覺今現在說法
此諸女人當生彼國諸居士婦受持
是經故得見彼佛今時諸居士婦聞
說是已皆生歡喜踊躍無量即解頭
十千真珠瓔珞持用散佛即於佛前
而說偈言

我等獲善利 得遠離女身 佛無有二語
所說皆真實 永壽如是身 卑陋女人相
但誑無智人 不能如實知 更不如婢妾
屬他不自在 亦不復十月 懷妊受眾苦
終不復更受 屢胎諸惡法 已得離胎智
此智無有上

今時諸居士婦說此偈已頭面禮佛
右遶三匝去佛不遠皆共就坐一心
觀佛目不暫瞬
今時釋提桓因以天拘敷摩花而散
佛上作如是言世尊我當受持是經
讀誦通利為他解說佛告釋提桓因
憍尸迦汝若如是終不更與阿修羅戰
今時文殊師利法王子欲令百千眾
生所有善根轉明淨故白佛言世尊

第一八冊

二九五

廣傳法苑珠林卷 第一 佛木 七

如來昔者從我聞說是經發菩提心
佛告文殊師利以是事故汝於百千
萬億那由他菩薩眾中取為明照於
十方世界開悟眾生如日光明即時
大地震動天雨眾華遶佛世尊積至
于膝尔時阿難白佛言世尊以何因
緣大地震動散眾天華積至于膝佛
告阿難今百千萬億那由他諸天從
文殊師利聞說此言歡喜踊躍散眾
天華皆發是言我等當受持讀誦是
經為他解說如文殊師利法王子快
說是言我等亦當隨學如文殊師利
照明世間我等亦當如是照明說此
語時皆得憶念是經如現在前是故
心生歡喜踊躍無量復聞我從文殊
師利得聞此經阿難是故大地震動
天雨眾華尔時阿難白佛言世尊此
經成就諸大功德此經成就未曾有
功德非是成就少善根眾生得聞此
經佛告阿難如是如是如汝所言若
善男子善女人供養無量百千諸佛
乃聞是經聞已信解受持讀誦為他
解說阿難此善男子在天人中當知

廣傳法苑珠林卷 第二 佛木 八

如塔若有受持讀誦是經者其人
住方面便有明正法人復次阿難若
有受持是經讀誦通利為他解說乃
至書寫經卷而供養者當知是人離
諸惡趣已能降伏惡魔波旬建立法
幢能行法施燃大法炬破無明闇吹
大法曇趣向道場擊大法鼓開甘露
門降大法雨充足一切樂求法者門
諸法藏諸佛所聚出大法財知一切法
遠難諸想所謂色受想行識想眼耳
鼻舌身意思色聲香味觸法想遠難
一切諸法想乃至佛法僧想阿難若
有從我聞此經者受持讀誦當知是
人便是我子從佛口生從法身生是
故阿難若有眾生欲食如來食欲坐
道場欲說正法如我今者應受持是
經讀誦通利為他解說乃至書寫經
卷受持供養

廣傳法苑珠林卷 第三 佛木 九

梵沙門婆羅門人及非人於未來世能
說是經今他聞者無有是慶阿難能
於今日積聚法財於未來世隨意受
用譬如居士若居士子其家大富多
饒財寶金銀琉璃真珠摩尼珂貝璧
玉倉庫盈溢奴婢僮僕為馬牛羊如
是眾多往至餘方遊戲觀看其入後
時還至財所得受用不阿難白佛言
世尊自在受用是其財故如是阿難
若於我前得聞此經於未來世亦復
得聞受持讀誦如是經典而設供養
猶如今日阿難我以佛眼見有信解
受持是經讀誦通利為他解說乃至
書寫經卷如今阿難而供養者亦見
誹謗不信受者尔時阿難白佛言世
尊若有眾生不信解是經而誹謗者
其人罪報當生何處佛告阿難且止
不須問也阿難白佛言世尊准願說
之為不信此法眾生生信樂故佛告
阿難其人罪報生處與五無間業等
阿難於意去何假使有人於一日中
志斷三千大千世界眾生命根其人
生處罪報去何阿難白佛言甚惡世

尊佛告阿難其人罪報亦與彼等阿難於意云何假使有人若壞若燒恒河沙諸佛般泥洹後所起塔廟得罪多不阿難白佛言甚多世尊眼不應視耳不應聞佛告阿難其人生處罪報云何阿難白佛言世尊甚惡甚重佛告阿難其人罪報亦與彼等阿難於意云何假使有人壞亂過去未來現在諸佛正法其罪云何阿難白佛言甚重世尊佛告阿難其人罪報亦與彼等阿難白佛言世尊若有毀謗誹謗令衆生遠離是經其罪云何佛告阿難於意云何三千大千世界衆生皆行十善求阿耨多羅三藐三菩提假使有人毀壞其眼其罪多不阿難白佛言甚多世尊當於百千萬億那由他劫在地獄中受諸苦惱佛告阿難我今語汝若有衆生毀謗此經乃至一人令遠離者當知此罪亦與彼等阿難白佛言世尊若有菩薩欲求阿耨多羅三藐三菩提於此經中雖有疑心而不誹謗其罪云何佛告阿難若生疑心則逆諸佛而有

罪逆經一億劫遠離菩提阿難白佛言世尊若有衆生誹謗是經令多衆生而遠離者所受罪身大小云何佛告阿難且止不須問此罪身大小阿難白佛言世尊惟願說之今此四衆衆生衆生慚愧怖畏佛告阿難其人罪身長一萬由旬受無量苦阿難白佛言其人不能護口所受舌報大小云何佛告阿難其罪人舌縱廣一十由旬五百鐵犁火焰熾燃以耕其舌復有五百鐵丸火焰熾燃雨其舌上以其前世不護口故今時四衆皆生怖懼身之皆堅涕泣流淚舉身投地皆共同聲作如是言世尊我等今者為彼族姓子族姓女發露懺悔願令遠離如是罪身不受衆苦會中復有涕泣流淚作如是言世尊我等若於此生若前百千萬億劫由他生曾起疑心作是衆苦目緣者我等今於如來等正覺前及餘百千萬億不可限量諸佛世尊前發露懺悔諸佛如來願以佛眼見知我等我等今者所有罪業皆悉發露不敢覆藏我等愚小

無知無覺無有方便惟願諸佛以憐愍故受我等悔佛告諸善男子善哉善哉汝等今於我前不覆藏罪發露懺悔於我法中便為增益阿難白佛言世尊今此會中生疑心者皆受如是地獄苦耶佛告阿難今此會中生疑心者以悔過故其罪甚少阿難白佛言彼人受罪為多少耶佛告阿難其人欲命終時身上一一諸毛孔中受無量苦亦不經久所以者何以於我前及餘無量無邊諸佛世尊悔過罪故阿難是故諸族姓子族姓女不欲受如是罪身如是罪舌如是衆苦者應當信解是經莫生疑惑阿難若有善男子善女人不欲捨佛捨法捨比丘僧不欲捨過去當來現在諸佛正法者應受持是經讀誦通利為他解說書寫經卷而供養之阿難白佛言世尊如來今者說不退轉輪經以何緣故作如是說若不捨僧不捨何僧佛告阿難僧者所謂不退轉者說名為僧為不退轉法來集會者亦名為僧阿難白佛言退轉菩薩不在僧

廣濟藏經卷 第七張 六

數中耶佛告阿難若有深發菩提心不見此心者皆入不退轉僧中阿難白佛言希有世尊諸佛成就大方便力以方便故說如是法今時釋提桓目以天身陀羅華而散佛上白佛言世尊願令一切衆生皆成就如是方便佛告釋提桓目憍尸迦若有信解是經者皆當成就如是方便演說諸法如我今者等無有異今時有百千諸天以天身陀羅華而散佛上作是言願令一切衆生速得是經今時阿難白佛言世尊惟願如來憐愍未來衆生守護是經今時佛告阿難若善男子善女人在大海中應聞是經是善男子善女人皆悉得聞所以者何先佛如來已守護故阿難白佛言世尊先佛如來雖守護是經如來今者憐愍衆生當守護是經今時大地六變震動即於佛前有閻浮那提金色天華自然而現其華有百千萬億葉出大光明遍照十方恒河沙諸佛世界是時四衆皆見十方恒河沙世界諸佛世尊是諸佛前亦有閻浮那提金

廣濟藏經卷 第二張 六

色天花有百千萬億葉自然而現出大光明遍照十方今時釋提桓目即自化身作居士形持種種花與諸四衆作如是言諸仁今者可以此花散如來上亦用供養是經法故是時四衆即取其花散如來上佛神力故所散之花於諸佛上變成花蓋是時四衆白佛言世尊以何緣故大地震動是大蓮花於諸佛前自然而現乃至東方恒河沙諸佛世界南西北方四維上下恒河沙諸佛世界亦復如是佛告四衆若先有此相當知諸佛已守護是經今時阿難白佛言世尊如來今者已守護是經耶佛告阿難如是如是我已守護阿難白佛言唯佛世尊守護是經餘世界佛亦守護是經耶佛告阿難十方恒河沙諸佛世尊亦守護是經阿難白佛言世尊當何名是經云何受持佛告阿難此經名不著諸果亦名遠離諸果亦名說堅信堅法八人須陀洹斯陀舍阿那含阿羅漢聲聞辟支佛密義亦名降伏遣魔亦名與六波羅蜜相應所以

廣濟藏經卷 第六張 六

若何若善男子善女人信解是經受持讀誦乃至習寫經卷而供養者便具足修行六波羅蜜阿難白佛言世尊云何信解是經受持讀誦具足修行六波羅蜜耶佛告阿難若善男子善女人信解是經名檀波羅蜜不生疑惑名尸波羅蜜堪任此法名辱提波羅蜜心無怯弱名精進波羅蜜心不擾動名禪波羅蜜不分別一切法名般若波羅蜜是故阿難此經名六波羅蜜相應亦名一切諸佛正說亦名廣大不退轉輪亦名廣博嚴淨不退轉輪阿難如是等名汝當受持阿難白佛言世尊聞此經名尚應聽受何況具聞初中後說佛告阿難如是如是如汝所言阿難白佛言世尊若有得聞此經名者能却幾劫生死罪耶佛告阿難若有得聞廣博嚴淨不退轉輪經名者聞已信解阿難當知是諸衆生得却百千劫生死阿難白佛言世尊若有衆生得聞是經能信解已發菩提心者速得何法佛告阿難如是衆生已速受記當得阿耨多

羅三藐三菩提

唐譯嚴淨經卷第六 第三十一

尔時四眾各各自見其所坐前有六蓮華自然而現其華間數有百千葉亦有百千萬億光色是時四眾心生歡喜踊躍無量即取是華以散佛上作如是言願使我等於未來世宣說是經猶如世尊等無有異尔時世尊即便微笑當尔之時一切音樂不鼓自鳴一切眾香自然芬熏百千萬億虛空諸天於虛空中作大音樂復有百千萬億諸天於虛空中雨天細末栴檀種種天香天阿迦樓香細末多摩羅香復雨天閻浮那提金泉銀粟天摩尼寶復雨房陀羅華摩訶曇胝羅華波樓沙華摩訶波樓沙華曇殊沙華摩訶曇殊沙華迦迦羅華摩訶迦迦羅華樓遮摩那華輪婆摩那華摩訶輪婆摩那華天優鉢羅華拘物頭華芬陀利華如是眾華而散佛上種種天香種種天鳥乃至諸天所有珍寶皆悉雨之虛空諸天現身在地而作音樂以供養佛世間諸人各各脫身所著上服而

散佛上復有諸人脫手足嬰珞咽白

嬰珞所著天冠華鬘而散佛上復有諸人以金銀天冠眾寶天冠眾華天冠栴檀天冠散佛上者復有諸人歡喜踊躍稱慶無量當尔之時牛馬歡悅出和柔聲虛空眾鳥出和雅音地獄畜生雜苦獲安俄鬼充足難飢渴苦天龍夜叉軋閻婆阿修羅迦樓羅緊那羅摩睺羅伽人非人等皆悉歡喜踊躍無量是時眾生皆得慈心慈心相向無有忿恨尔時阿難白佛言世尊以何因緣世尊微笑詣佛如來不以無緣而笑尔時世尊告阿難言今此曰來比丘比丘尼優婆塞優婆夷天龍夜叉軋閻婆阿修羅迦樓羅緊那羅摩睺羅伽人非人等今於我前得聞此經及未來世得聞經者皆於阿耨多羅三藐三菩提而不退轉後成佛時宣說是經無有增減如我今日等無有異佛說是經時有無量無邊不可思議不可限量百千萬億那由他天龍夜叉軋閻婆阿修羅迦樓羅緊那羅摩睺羅伽人非人等皆

唐譯嚴淨經卷第六 第三十二

於阿耨多羅三藐三菩提而不退轉佛說是經已文殊師利法王子無邊無量諸菩薩摩訶薩尊者阿難諸大聲聞及諸四眾比丘比丘尼優婆塞優婆夷天龍夜叉軋閻婆阿修羅迦樓羅緊那羅摩睺羅伽人非人等及諸世間聞佛所說皆大歡喜唐譯嚴淨經卷第六

於阿耨多羅三藐三菩提而不退轉

佛說是經已